

1-22751

光緒三十四年七月重刊

藤縣志

韋文林題

第一冊

MG  
2296.74

光緒三十四年七月重刊

# 藤縣志

第一冊

韋文林題




3 2285 6074 8

# 藤縣全圖

□ 縣治  
 ○ 巡檢  
 ○ 墟市  
 ○ 河道  
 ○ 水道  
 ~ 縣界  
 ~ 都界  
 ~ 里界  
 〰 大山  
 〰 道線

北東  
西十南



## 重刊藤縣志序

立國於地球上。一國全部之構成。皆地方之集合體。故地方中重要之點。恒與其國有關。係焉。比年以來。吾國朝野上下。深憚國勢之傾危。欲謀地方之自治。願空言自治而於地方上之地理之歷史之學校之軍政之田賦之人物與夫一切關於各部分之重且大者。均茫然昧然。雖日編自治制度。其能適合地方之風俗習慣哉。志也者。所以紀載地方中種種重要之點。以備研究自治者之資料者也。吾藤之有志由來已久。嗣因兵燹。頻經靈魚常蝕。殘篇斷簡。幾附銷亡。而能愛護之保存之。以至於今者。蓋已如希世之珍矣。前年何君培軒同年任縣中學務。欲編輯鄉土教科。因訪諸故老。購以重金。而縣志一書始得之。而藏于勸學所。陳公鴻初莅任。仍恐其久而散佚。失傳也。乃慨然捐廉。重行附梓。而以蘇文山先生手著之鐔津忠義錄。及何君培軒同年所輯袁督師傳。附焉。惜史才缺乏。近數十年間之事迹。不能補而全之。未始非一大缺點。然文獻將亡。而復存。邑人士得誦是書。愛鄉之心。油然而生。卽以誘起其愛國之觀念。僕不文。比因留學東瀛。獲聞講師以

地方自治制度相講授歸國以來欲與邑中之有志自治者而討論之今適以省之自治局成立派候爲文書課員行將赴省喜此志之重新出世而吾藤之興辦地方自治之得有所參攷也因勉而綴以言

光緒三十四年戊申春二月留學日本法政大學卒業辛丑補行庚子 恩科舉人蒙

經謹序

序

藤邑舊有縣志一修於前明再修于

國朝嘉慶年間自咸豐四年頻遭兵燹邑乘就湮越十年邊令退齋蒞治其地心滋慨焉因不憚編緝散佚斟酌體例復勒成一書舉凡學校文章疆域田賦及有關於政事風俗者無不紀載而增修之較前志爲尤詳閱數月功竣請序于余時余奉

命陳臬兼攝藩篆每當綜理庶務之餘輒以風教之不克周知爲慮而因思夫邑之有志將以備輜軒之採擇非僅誌風土之傳聞也特司牧者視守土如傳舍或席不暇暖者有之否則等諸杞宋之無徵而志乘闕如焉能考鏡得失而令民風治術之蒸蒸日上也哉今邊令獨能於芟除滋蔓之餘與廢舉墜不逾年而文廟一新堂院復舊日得與都人士蒐羅掌故考獻徵文使闕典于焉大備其亦先得我心也此志成不僅爲藤之人幸尤願他邑之抱殘守缺者亦得次第而修明之將見遐壤荒陬無不涵濡於聖天子之教澤食舊德而服先疇焉是深有賴于賢有司之經畫也夫

卷之二

同治丁卯仲冬署理廣西布政使司按察使司佛爾國春撰

(四)

藤縣志序

邑之有志猶國之有史小史掌邦國之志外史掌四方之志者是也藤之志有稱藤州舊志者則在有明以前稱金志邾志則不知何時梁志則崇禎十年香山梁昌之修也計四冊故老猶及見之今也則無

國朝嘉慶年間高秋崖修之軍興以來亦罕有存者杞宋之無徵可慨也夫同治四年余督學粵西時守斯土者吾鄉邊退齋先生梓里名宿也學問淵博凡經傳史記諸子百家無不備覽其弟松君名進士也觀政秋曹吾鄉登虎榜膺鸚荐多有出其昆玉門下者聽政之閒慨然於文獻之無徵不憚繁冗而修之六年丁卯冬十月書成凡天文地理禮樂文章忠孝節義兵農政治及古聖先賢科名人物無不備載郁郁彬彬誠一時之大文一邑之盛事也非才堪救時輿情交孚不能游刃有餘而爲此古人云良吏胸中有全志洵不誣矣讀其書者知天和感通年歲豐稔也地靈効順物產蕃滋也喜雨有亭公門桃李也春風入座學校菁莪也由是而裕



國課儲民財足賦稅之供尤宜備干城之選也祀先師表遺跡功德之盛更欲望科名之興也至若節義忠貞可以式薄俗福疇者壽足以化災氛傳贊詩詞文章之淵源有自烽火兵燹士民之修省宜勤也余職司探風情殷問俗預知藤之人心士習將自此蒸蒸日上也遂不揣冒昧而爲之序

同治六年丁卯冬十月督學使者榮陽孫欽昂謹序。

地志源於班范爲史學之津梁其後太平寰宇記元豐九域志諸書皆合天下之輿圖而紀之至分郡分縣而作志類多蕪雜繁瑣泛濫而無稽矯其弊者如明朝邑武功二縣志號稱明潔而過於簡畧語焉弗詳甚矣非學備三長者未易言修地志也藤邑爲梧郡聲明文物之區兵燹之後舊志散燬無存邊退齊先生來宰是邦凡夫建祠宇葺廡舍百廢俱興復以邑志之脩去高秋崖明府已五十餘年爰復徵文考獻以成斯志凡夫戶口之登耗田賦之增減學校兵防之建置沿革紀載特詳使一邑之掌故犁然具存厥功偉矣戊辰春季予以權樞來梧獲交先生見其宏深肅括竊心儀焉及授讀是志知循吏所爲迥異凡俗其經濟於此可見他日躡迹前賢列名此志循良之末可臆測而決矣憶道光丙午丁未間予以憂居里門儀徵吳文節公撫江西延固始蔣子澐先生與予同脩省志纂述甫半文節移節之江子澐歸里予亦繼登朝籍其事中輟不數年江鄉疊遭兵革舊稿亦銷沉於劫火之中今觀先生之獨成是編也能不心折而惡然

卷之一

同治七年閏夏知慶遠府事辦理梧州釐務會協均序

( 八 )

重修藤縣志序

邑志何爲而作也爲文獻之失傳而作也藤自三代以前無可攷漢始隸蒼梧郡晉始分置永平郡陳隱駐師焉唐屬邕州宋爲藤州明洪武十一年始改爲縣此藤邑沿革之大略也其星上應乎翼軫其地分統於女牛其人則馮當世袁元素世所稱三元四解叔輝祭酒父子榜首應運而起者代不乏人殆扶輿磅礴之氣一發而不可遏者宜其控三江凌八桂廣袤六百里戶口五十八都徵歷代人文之盛者也前賢之撫馭茲土及流寓此邦有大功於民不可磨滅者則有漢之馬伏波唐之李藹師李青蓮宋延清李贊皇宋之狄武襄蘇子瞻子由黃山谷秦少游陳無己李泰發范致能明之解大紳程舜敷韓襄毅王文成或以文采風流輝映海內或以武功駿業震耀寰區不有志以記載之其不久而湮沒也幾何矣然而正不易言也自漢晉唐宋元明以來代有名人而邑志曾不一修明崇禎十年邑令梁公修之今其書失傳嘉慶二十一年高公修之迄今五十二年矣咸豐四年燬於兵板刻無存即各紳之存此書者又皆殘缺失次甚至以十金購一帙而不得

者此時不修異日欲修之而不能也雖然尤不易言也識淺者陋也學疎者庸也惜財者吝也憚勞者逸也尙華者浮也畏事者偷也余不敏中州下士汴水輕材因奮激於志乘之無億毅然不計利害而爲之迺延請紳士胡君毓璫霍君康海卓君誠蘇君時學歐君華麟等詢以可否感極力贊成之而藤之邑志復成繼自今戶口之多寡山川之險易民情之向背鄉俗之沿革與夫村堡之利害縣運之盛衰如在目前庶善者知感而不善者知懼是亦偃武修文之至意爲人心風俗一大補救也所愧知識譾陋或疎略之堪虞或採擇之未精或增刪之失當終不能免於大雅之誚也後有作者其匡余之不逮則幸甚

同治六年丁卯八月

知藤縣事 中州邊其晉纂輯並序

## 藤縣志序

吾藤有志創自前明無可考洎

國朝嘉慶丙子邑侯高秋崖特探訪故老傳聞修輯成篇距今五十餘年矣當時高邑侯流風善政聲施到今者赫赫在人耳目而今邑侯邊退齋踵而重修之將高志原本刪繁補漏並蒐輯見聞續丙子以後五十餘年之事於各卷末要皆屏虛辭而歸實錄夫高公彰美於前邊公傳盛於後亦可謂後先輝映矣究其所以復勒成書者豈惟足矜博雅備掌故示遵守云爾哉必將藉紀事以爲資治之鑑冀與古名宦後先爭烈焉蓋凡志也者考鏡得失之林觀風土明政治足爲吏治之一助也故官其地迪其人如能援古證今隨時酌劑其善政善教昭垂志冊異日探之輶軒上諸史館蔚然爲以一邑名臣循吏之傳志之爲益豈淺渺哉誠通籍後卽用廣東甫菴與甯任以不習爲吏視已成事亟索其邑乘一覽擬卽因時隨地著爲宜民善俗之事迺事將就緒而瓜期已及恒一不克竟所爲爲歉去秋回鄉讀禮遵邑侯之命偕都人士訪擇輿論搜羅散失

舊聞彙呈以供邑侯之筆削閱數月而彙集成編條分縷晰凡民情向背風俗美惡地運盛衰政治臧否無不犁然在目洵爲考鏡得失之林也其足資吏治也固宜邑侯昔曾司鐸珂鄉與出宰東粵英德和平時著述頗富經濟文章固其素裕今莅治吾藤前後數年當兵燹之後剪除滋蔓之餘百廢具興如文廟書院義學賓館以及縣衙捕署諸大舉煥然一新而政成民和之日復重修舊志以爲援古證今隨時酌劑之具是必能相土宜因民俗通志情類物周知其利害而善布其政教者殆所謂廉吏胸中具有全志歟聞邑侯爲上游器重知必久于其任其藉紀事以爲資治之鑑將爲保障不爲絲繭而非徒以矜博雅云云畢乃事也此邑侯修志之意也攷之書道有升降政由俗革斯言也可於邑侯覘化理焉將見行成而名立異日追溯名宦得與漢唐後大將名臣撫綏斯土者後先爭烈共垂不朽而豈僅與高邑侯頡頏哉誠與都人士襄事其間將拭目而樂觀德化之成亦不僅以掛名簡末藉得流傳於後爲榮幸也志旣成將付梓邑侯命序一言因不揣譎陋謹書以誌景行意云

同治七年戊辰仲春月邑紳士卓誠謹序並書於藤州書院樹人堂



藤縣志序

歲在旃蒙大淵獻余奉

命視學粵西蒞任卽廣求郡縣志以資採風問俗之助梧屬邑乘藤獨闕如蓋記載散佚  
久矣夫嶺表界湘楚上應翼軫而江以南繡以東入於女藤地適當其次故其所隸  
爲揚而不爲荆參乎地氣分乎天章是未可以荒裔忽者越明年臨郡校士制藝多  
傑構藤之文風尤盛益信其山川風土物產人才必有蔚然深秀超然拔俗之概惜  
不得良有司其人者爲之總核而剴剛之試竣之鬱林道經劍水明府高秋崖領其  
邑紳士陳鑰等來謁出其所輯縣志就正於余并乞一言以弁其端余喜語明府曰  
昔紫陽任建康甫下車亟索志乘誠以官其地迪其民未能周知其風教則無以酌  
古準今而所部不可得而治公今署篆於藤輒行創脩闕典風勵衆庶可謂知所先  
務矣我聞廉吏胸中具有全志是書也余將於公乎覘經濟焉然古無粵志漢司馬  
彪紀九州畧於遐荒其他嶺南錄異豈管雜記嶺外問答諸篇卷帙皆不可見書缺

有間矣交廣郡邑徵信綦難况藤冊籍久湮載筆者無所依據以爲芟潤若僅於省志郡志中撮其大凡弗克遠紹旁搜廣爲參補則雖移步換形未足自成一紀又或攢其所不可攢摭其所不必摭箋疏草木雕刻蟲魚記錄瑣言推求亥步而於文章學校名賢宦蹟以及田賦戶口之盛衰反擇不精而語不詳是直野乘摘華無關典要亦終無以上資國史之採所貴都人士富於蒐羅慎於決擇毋濫冗毋疏脫表已往之跡樹方來之經夫然後緇素彬彬可以永垂不朽因即所呈者而細意披閱則見其有倫有要不紊不支嶠南甌北之間控三江而凌八桂自永平開郡以來千有餘年文物聲明瞭如指掌而扶輿清淑淵嶽磅礴值

聖天子右文稽古之會而彌發其光此藤之才所由蒸蒸日上而明府藉紀事以爲資治之鑑則循聲之布亦將與古名宦後先爭烈矣余喜甚爰書之以爲序

賜進士出身

誥授中憲大夫 日講起居注官 懋勤殿行走翰林院侍讀提督廣西全省學政朱方增

藤縣志序

秋崖高明府官西粵夙有政聲乙亥夏署篆於藤甫下車卽親歷四境訪其風土民情察其要害毅然以整飭地方爲己任而藤益稱治聽政之暇復以邑乘闕如急爲倡修都人士踴躍從事閱數月書成而屬序於余余竊心儀之夫志者凡以實記其事與史例相表裏者也邑治雖屬一隅而疆域之廣狹戶口之登耗田賦之增減學校兵防之建置民風士習之淳漓他如以循良顯以忠孝傳以節烈著崇功德發幽光冊籍所垂洵足爲民牧者勤求治理之一助今藤紀載就湮久矣秋崖明府迺興廢舉陞慨然於闕典之是修非古所稱賢有司者耶考藤自永平開郡以來隋置藤州代沿至明洪武間始改爲縣

國朝因之縣治周迴六百餘里西白石南竇家二巡司隸焉癸丑冬余奉

命守梧間嘗按部其地則見控三江凌八桂山川清淑繚繞濛濛古藤八景攬形勝之雄秀可謂壯哉越歲科兩郡試扃門課士所屬英雋輩出而藤之文風尤勝彬彬郁郁

殆扶輿磅礴之氣積久而光華煥發與乃知

聖天子聲教暨訖薄海同風藤雖僻處荒裔而沐

國家涵濡之化百有餘年人文已蒸蒸日茂秋崖復創修志乘率邑紳士徵文考獻辛勤  
公慎以緝之甚盛事也余用樂觀其成焉是編也余公餘披閱簡而該詳而有要舉  
凡沿革興廢盛衰臧否所載均有關治法宦斯土者覽川原之沃衍桑麻物產皆厚  
生利用之資緬文物之繁興學校黨庠即化民成俗之則以養以教使吾民樂生安  
業含鼓嬉遊而涵育薰陶皆範圍於孝弟忠信禮義廉恥之大將見觀感興起遐陬  
僻壤仍有古南交光被之休豈不美哉余忝守土披輿圖而思保乂爰嘉其志之成  
願與賢司牧共勗之是爲序

嘉慶歲次丙子仲夏月知梧州府事謝凝道撰

藤縣志序

甲戌之秋余以銓次分守梧州數因行役往來於藤覽其川原形勝據蒼梧之上游  
聯岑容爲臂指襟江帶河面山背水蓋歸然梧郡之要津焉省志載環疆六百餘里  
地廣人稀俗尙簡樸自

國朝定鼎以來生養休息百數十年民風丕變生殖繁滋其凡民之秀者類能漸摩

聖化工文章而取科第方春學使試梧亟稱藤之人文爲盛豈非靈淑之所鍾有獨異焉

者白石設巡司一五屯藤峽等處無昔日伏莽之虞竇家設巡司一今移置三眼堡

因時制宜之義然也先是歲穀不登民多盜警當事雖極力蕩除而水陸交衝往往

萑苻未靖高君秋崖勤能幹練所至有聲大吏知其賢以武宣令檄攝藤邑事不期

年而倉庫實案牘清尤嚴於弭盜濱江上下自白馬以至石良其他墟市要害之處

各遣家丁可信任者督保甲以防禦之邑之人樂四境之又安年豐穀茂舉欣欣然

以志乘請付之梓而開雕焉秋崖乃爲乞敘於郡伯而並以屬余余自維謏陋竊謂

一之志上關

國賦下隸民生輿圖祀典之所徵文教武備之所係今昔異情沿革殊制他若名宦鄉賢忠臣孝子義士節婦暨藝文碑記凡有關於世道人心者尤不可以不誌也今觀其編次詳核綱舉目張不可謂非儒紳纂緝之力也雖然藤志之待梓有年所矣使邑之人不知借寇之難則將逡巡以俟來茲矣使秋崖不敏於政方將視如傳舍而亟望及瓜而代又安在自公之暇講明切究及此哉余故嘉士林之克竟其業而更善秋崖之能董其成也且使後之官於斯者援古證今隨時酌劑行見僻壤荒陬罔不率俾於

光天之下道德一而風俗同採之輜軒上諸史館則是書之裨益於政教者正復不淺豈惟眺東山之夜月嘯石壁之秋風登龍巷之露臺聽鳴灘之霜籟遂足誇嶠南清絕云爾哉是爲序

皆

卷之一

(十九)

卷之一

嘉慶丙子孟夏

(二十一)

賜進士出身梧州府同知前 國子監誠心堂助教充戊辰科會試同考官屠英撰

藤縣志序

余弱冠計偕北上所過通都大邑不少矣後客諸侯復馳驅於吳齊楚豫間輪帆所及凡山川之勝風土之宜城池關梁之險夷今古人物之傳播者靡不留心周諏以資考鑑且聞昔賢言不習爲吏視已成事故往往遊蹠戾止必求其圖經志乘讀之匪直充牣見聞亦足廣他時蒞官行政敷施所莫逮則志之益人大矣歲辛未分符古藤受事後鄰盜伏莽余方以藤之羣黎爲萑苻所苦遂斤斤爲民弭緝之芟夷驅除不遑他務夫藤于吾粵陸爲桂海藩籬水爲湘灘襟帶廣袤六百里版戶井灶至五十有八都較古侯甸名齒上邦可謂極雄麗矣嘗周巡四澗竊嘆其屯廂景物之佳古蹟傳留之盛復久沐

聖朝雅化家絃歌戶禮樂彬彬有齊魯風每索觀曩志不得慨然曰邑之有志所以贊蒞  
行政者爲益滋大無之品乎可時已具倡修意適有承乏蒼梧之役是以有志未  
逮關中高秋崖來署斯篆小心勤慎境內恬然公餘即以修志爲首務督率紳士採



蒐釐訂十閱月而哀然成帙余披其卷則凡山川輿地之勝皆余所熟遊風土物產之美皆余所稔識以及城池建置人文鍾毓之所勝踐芳蹤先哲題詠之處皆余平時所低徊而流連者今得此志表彰之則余向之所歉然於懷者秋崖已爲補葺而秋崖之善治可知矣然敷施吏事余固避席秋崖而所爲留心莅官行政之道則一也後有繼者其鑒余二人有同心也夫

嘉慶二十一年夏五月署蒼梧縣事藤縣知縣五園黃開雲撰

倡修藤縣志序

從來事莫善於因而最難於創因者蹟有可襲舉凡有待於踵事增華以至於補弊起廢之務胥於是乎在故因善焉創則凡前之所未萌後之所從朔與前時或有而或亡亡而更始者創之誠非易易夫使無濟於民社亦惡用是亟亟爲惟實有可以贊化理而補缺畧通衆志而類物情者適丁其時而更無可待雖欲不力肩其難而相與圖始勢有不能如今藤邑之志是已秦漢迄今以縣名者一千三百有奇開雖沿革不同析并不一而有縣即有志以爲吏治之一助比比皆然何獨至於藤而無之聞藤自晉宋分承平後或名藤州或名鐔津稱亦異矣且其中風門佛子向爲斷藤峽寇出入伏莽鼓煽故自來大將名臣如馬伏波李衛公韓襄毅王文成諸人咸駐師其地昔之人自有能志之者大都兵燹之餘流風遺澤蹂躪已極百年來元氣乍還無暇及此未可知也余承乏伊始編索舊志不可得旋行部至西隅見其山阜嶮峭川谷深窈五十八都里凡田宅戶口關梁驛汎雖非赤紫亦殊岩邑且見巖

名太白碑記藥師其他東坡太虛吟咏所及盡與僻陋者等此卽無奇傑挺生之人猶宜樹之鵠以厲其氣矧名世英淑代不匱乏如李公堯臣馮公當世諸賢歸然坊表俱在史冊昭昭矣我

國家承平近二百年其風俗與

化移易或有激發乎至性奮興乎凡庸矯然與前賢爭烈者正自有人忍聽其久淪於荒陬僻壤間不復表而彰之以爲來詰勸非守土之責而誰責哉甫下車簿書鞅掌未遑倡是議茲近匝歲幸訟簡務閒爰徵紳士陳君鑰胡君世拔李君若桂蘇君厚埴陳君翹李君中寶吳君斯璧何君宏元黃君時安霍君鉉鏗等詢以可否僉怡然曰諾竊嘗聞之莫爲之前雖美弗彰莫爲之後雖盛弗傳余固不敢以創彰厥善然欲傳盛於後先顧不可不慎也請與公等約凡事之無關民社者無論已卽當記載亦必採訪之精纂錄之謹是非不謬於公論義例克繩乎古先庶幾衆志通而物情

類上以贊

聖朝之化理下以補草野之缺畧異日者太史過而採之凡風土政事之所宜節孝文章之所著煥乎與陳詩納價同重不僅如南方草木之狀桂海虞衡之志徒矜博雅於當世是則余之志也夫至於鼓舞輸金剖剛計日都人士自有樂成之者余不贅是

爲序

嘉慶二十一年丙子孟夏署藤縣事武宣縣知縣高攀桂撰

藤縣志序

志何昉乎九邱遠矣禹平水土即取山川物產土田賦貢而詳紀之周官大司徒而外職方氏辨其人民與其財用六畜九穀之數以周知其利害此三代經理之大綱即後世一統志所由昉也而小史掌邦國之志外史掌四方之志則郡志邑志肇焉漢以後至唐而縣志有專名至宋而記載始備誠以志也者考鏡得失之林詳輿歷觀風土昭政治而備蒐擇者也藤當唐虞時屬南交蓋被放勳重華之化久矣自秦易郡縣由南海以迄猛陵永平以迄藤州疆域屢分我

朝因有明之制定爲藤縣深仁厚澤道一風同百有餘年矣以故山川效靈英賢輩出官斯土者瞻庠序學校之盛觀桑麻鷄犬之饒咸駸駸乎稱上腴焉而或日鞅掌於簿書錢穀之會以著賢勞卒未能遠考前朝近詳當代網羅遺軼勒爲成書一旦翰軒式臨曷克上資採擇關中

高明府來牧茲土政尙廉明折獄洞若觀火數月間四境肅然羣黎如登衽席 明

府琴鶴餘閒徵文考獻慨然於藤無志乘鏡意興修亟思采輯因屬鑰借邑諸君子共襄其事竊以修史之難無出於志昔馬氏貴與嘗言之蓋識淺則其詞陋學疏則其論膚騁靡麗尙妍華則其體浮誇而不實譎劣如錦何敢膺載筆之任 明府曰邑志記藤事耳君爲桑梓之地聞見既稔考校必詳此役非君之屬而誰屬哉鑰承命不敢辭爰集諸同事訪傳聞於故老廣掇拾於殘篇繼晷焚膏參考互訂纂集於乙亥之秋脫稿於丙子之夏別類分門釐爲二十一卷夫事遠年湮典籍散佚猥以編之不敏一旦草創其所未備以言乎天得無星野莫辨其辰機祥未記其事乎以言乎地得毋疆索之廣輪多淆建置之沿革多誣乎以言乎人得毋摺紳碩彥未及詳求名士鴻章謬爲擯棄乎質之 明府斧削而存其槩雖滲漏在所不免然讀聖訓而昭示蒼黎覽學校而薰蒸士習核田賦戶口而徭役均平考名宦職官而清勤靖獻贍肥可以教孝者壽可以教弟軍政以資捍衛文藝以著經猷後之閱是志者與廢詳而風土悉蒐採備而政治彰未必非考鏡得失之一助也 明府曰是吾志也

卷之一

命進而付諸劄牘

藤州書院掌教邑舉人陳鑰撰

(二十八)

藤縣志修輯官紳名銜

主持重刊

欽加五品銜 賞換花翎調署藤縣事准補永福縣知縣 陳仲賓

贊成人

欽加同知銜 賞戴藍翎前福建順昌縣知縣 陳勳光

試用訓導 前署新甯州教諭 蘇汝莊

分省補用州判辛丑補行庚子恩科舉人 何壽謙

留學日本法政大學卒業辛丑補行庚子恩科舉人 蒙經

留學日本經緯學堂高等警務科畢業附生 何宗義

附 貢 生 何亮輔

廩 生 黃耀鴻

附 生 歐奇



廣東法政官學員補用直隸州同知唐朝繩  
廣東法政官學員增生黃鵬年

檢校人

法政畢業學員廣東候補鹽知事何壽坤

留學日本經緯學堂警務本科畢業五品頂戴廣東候補巡檢章文林

廣東警察學員附生王希曾

主修編輯

欽加知州銜藤縣縣知縣邊其晉

參閱

藤縣縣儒學教諭蒙秉仁

藤縣縣儒學訓導章貞元

編纂

賞戴藍翎儘先遇缺即選知州辛酉拔貢辛酉科補行壬子已未 兩科舉人 胡毓璠

參纂

欽加五品銜儘先選用知縣辛酉拔貢 歐華麟  
候選內閣中書丁酉副貢丙午科舉人 蘇時學  
欽加五品銜選用知縣前宣化縣教諭甲辰科舉人 鄧澄瀛

分纂兼校對

署廣東興甯縣知縣癸亥恩科進士卓誠

賞戴藍翎儘先遇缺即選知縣恩貢 霍康海

甲子科副貢 韋品良

試用訓導 歲貢 霍岍源

署陸川縣教諭 歲貢 蘇啟禱

儘先選用知縣已酉拔貢 陳允善

試用訓導 蘇錫傑

歲貢 陳步瀛

廩生 陳勤光

附生 胡毓璜

校刊

藤縣典史 劉德藩

賞戴藍翎藤縣白石寨巡檢 黎培績

藤縣賈家寨巡檢 魏章喬

採輯

軍功六品監生 蘇百朋

選用從九監生 霍國霖

廣東試用鹽運司經歷 蘇念祖

附	試	廩	布	選	藍	候	署	恩	候	附	試
	川		政		翎	選	南		選		用
	教		司	用	補	訓	府	賜	教		訓
	諭		理	訓	用	導	訓		諭		導
	恩				都	廩	廩		恩		歲
							副				
	貢	生	問	導	司	貢	貢	貢	貢	生	貢
	歐華吉	文創基	蘇泰復	何若遜	莫本培	李天注	鄧思道	陳爾直	林保初	劉勳	蘇錫晉
	生歐華寶										

監

生 周緒綸

廩

生 李華新

選

用

教

諭

恩

貢 陳光善

附

生 李錫齡

附

生 鄺華彥

州

同

銜

選

用

縣

丞 徐詒堂

選

用

訓

導

廩

生 黃堅寶

附

生 黃澄芳

監

生 黃恭

五

品

翎

頂

選

用

從

九

監

生 王家宰

廩

生 劉良臣

選

用

教

諭

恩

貢 張炳瑞

增 生 李良佐

監 生 魏志純

候 從 九 潘俊昌

選 用 訓 導 廩 生 馬秉奇

前 署 富 川 縣 訓 導 附 貢 唐廣黓

補授 溇州府訓導 前署 全州訓導 廩 貢 吳迺鴻

附 生 黃體仁

附 生 鄧 鐘

候 選 翰 林 院 待 詔 陳瀚祥

廩 生 韋世居

附 生 何昌光

署 與 安 縣 訓 導 歲 貢 楊熙春

丁卯科舉 人 鄧慶麟

丁卯科副 貢 朱啓銘

試用訓導廩 貢 石殿元

拔補千 總 韋德鎮

守備銜拔補千 總 朱顯訓

附生 石大瀛

甲子科舉 人 吳延良

附廩 貢 韋義良

廩生 黃錫壽

廩生 鄧澄淮

廩生 卓希憲

附生 胡其翰 江南滙

藤縣志目錄

卷之一

序文 修輯銜名 目錄 凡例

卷之二

天文志 星野 氣候

卷之三

輿地志 輿圖 疆域沿革 都里墟村

卷之四

輿地志 山川 橋梁 津渡 古蹟

卷之五

輿地志 風俗 物產

卷之六

卷之一



卷之一

建置志

城池

公署

倉庫

壇廟

新增建置

卷之七

學校志

傳贊

卷之八

學校志

陳設

社學

書院

卷之九

田賦志

田畝

戶口

起運

存留

耗羨積儲

水利

稅課

卷之十

軍政志

兵制

兵額

兵餉

戎職

卷之十一

職官志

官秩

卷之十二

名宦志 德政 補編 名宦 遷客流寓

卷之十三

邑紳官職志 鄉賢 紳職官 保舉職官

卷之十四

選舉志 進士 鄉舉 徵辟

卷之十五

選舉志 貢選 武進士 武舉 出仕武職

卷之十六

選舉志 援例 馳贈

卷之十七

人物志 賢良 孝友 卓行 儒林 方技 隱逸 義烈

卷之十八

卷之一

卷之一

人物志 節孝 耆壽

卷之十九

藝文志 歷朝各體（古文）

國朝各體（古文）

卷之二十

藝文志

歷朝  
國朝詩詞

卷之二十一

記事志 雜記 兵防 兵事誌畧 考古錄

卷之二十二

芳名志 前修志各官紳銜名

凡例

一是書體裁統以大綱列以條目其依類相附者不復更爲標題惟於各目下註明某項附俾閱者便於查考

一作志例應冠列舊序以曉然於修改之由自嘉慶二十一丙子邑令高攀桂修之今仍其舊而增刪之

一粵西星野言人人殊府志以梧郡概屬翼軫今考律歷諸書并據通志藤屬揚州星紀次而分野之說始定第正方域而後識分星舊志附於地輿今特標出天文一志

一沿革不明山川草木無一不誤戴震洵爲知言者也藤自永平開郡以來境壤代有紛更茲特細加考核頗得其詳無事更增

一大化風行本無畛域而設官分土各有專司藤屬要衝其四至八到視他邑較廣其邊隅相錯之處尤宜界劃分明惟驛站營堡統附軍政今驛丞戍卒俱裁自當

載歸疆域

一風俗由於習尚節候應自氣機合志頗覺不類茲以節候附於星野而風俗則教化所關當自特列一目

一滋生物類今古殊時往往案牘以求其所產之區渺無所得妄傳妄載殊非紀實之義茲所登惟以舊志土宜爲據

一山川形勝歷經前人遊息題咏者稱古蹟載之以備遊觀其他培塿涔滴無關壯麗者則從其畧至名人之坊表陵墓憑弔之餘亦深古情若廡舍遺墟應歸建置未可淆混茲特分別紀之

一設險所以衛民啟宇所以臨民城郭宮室所係滋重詳其建置而修舉廢墜之規宛然可見其有故老流傳無籍可稽者仍不敢率意添入

一教化由於學校厥典最鉅郡志於

先師崇祀之典先賢列祀之制祭器樂章燦然備錄深得興賢育才之意今敬遵其例而

書院社學咸以類附焉

一壇廟原以入祀典爲正而世俗相傳爲禦災捍患之神久爲閭閻所欽禮者雖秩序無文均得從宜致敬亦社壩所報意也因并附載

一禹則三壤周稽九比此田賦征徭爲政治所最亟我

國家重農貴粟經國愛民奉

諭永不加賦而生齒日繁允堪紀盛斯民之版卽爲康樂之書因謹錄之

一周禮遣人掌邦委積以待凶荒後世積儲所由昉也藤設常平社義等倉以便兵

農並儲備東穀石以濟鄰境法良意美無逾於是舊志以倉厥附於建置而所儲

穀數別爲一欵今因兵燹諸倉俱廢

一奮武與揆文道無偏廢故兵可百年不用不可一日不備我

朝文治日隆而杜漸防微雖下邑偏隅不忘戒備藤之兵制未可畧也而分防戎職同

分保障之司因據營汛所移而紀之

卷之一

(四十三)

一邑侯僚佐代有名賢而前此爲郡爲州凡太守司牧經畧駐節者亦復不一其人茲皆細爲考校其有遺愛在民紀載德政流寓諸賢振起文教者特書誌之

一邑中先賢嘉言懿行表表鄉閭者必爲立傳如其人尙存概不敢涉筆收錄恐鄰於諛也

一烈女貞婦業奉旌表自當登志不敢遺漏其苦節冰霜雖褒嘉未及而輿論羣相推許者均得照例叙列

一藝文足徵博雅若徒吟風弄月美不勝收茲惟於各體中擇其言之尤雅者或以人傳或以地著凡可以考證圖經並有關於風教之言始行編入

一邑人捐建梁橋極多其間有非來往要衝偶聚石爲缸者未足增光志乘故凡斷港小約概置不錄而特紀其行旅絡繹者

一顯親揚名父以子貴恭錄

誥勅所以榮其先也其有未登仕版而急公援例邀沐

覃恩者亦并附載

一朝廷重引年之典鄉黨隆尚齒之文老者安之王道所以易易也藤沐

聖澤敦厯閭里偕登仁壽凡在耄耋期頤均荷

恩錫因詳列其已報未報者比次書之

一史家紀錄異聞務歸徵實謬以流傳怪誕災諸梨棗是續齊諧也茲雖卮言瑣語亦據事直書不敢浮誇爲尙閱者諒之

一運際昌期士之懷瑾握瑜者咸思乘時利見其入粟輸費得入宦途者亦可以備經國之需展平生之蘊原未可一格拘也他如冠帶增榮爲交遊光寵者即未出身加民例得并附

一舊志首紀

聖諭廣訓茲於朔望延請耆儒宣講各鄉塾生童無不家噓而戶誦之茲不叙入以歸簡

易

卷之一

(四十五)



一邑志自唐宋以來千二百餘年昔賢之紀載已無可攷惟崇禎八年邑令梁公名昌香山舉人曾修邑志四冊故老猶有存其書者因兵燹失去香山公爲邑賢令故特表之以發潛德之光

一舊志馳封詳官職與

詳封文詞與家乘同今只詳紀其膺封之由錄其官而畧其文以合史體

一舊志芳名詳各官捐銀數目計捐紳民九百七十餘人自數十兩以及五錢三四錢不等猥瑣失當今刪去其有留心探訪協同修輯者載入

一舊志有科名而無邑紳官職殊爲闕畧科名爲通經之驗官職乃致用之實茲更標出以誌邑人政績

一軍興以來官紳士民死難者極多地方亦卒賴以廓清其義烈之氣有不可磨滅者茲特標出以勵士氣而正人心亦輔治者之一大補救也

一兵燹志十三年中烽烟起威將紳經營官紳敬慮皆詳於雜記誌畧考古志中其

有祥瑞災異及巨匪出沒民生塗炭皆廣集考覈經一年之久始得其大概然雅俗兼取參伍錯出謬訛互見未暇更正姑且成帙至於筆削之權仍當俟之君子



藤縣志卷之二

天文志總序

其晉

昔人謂天道遠人道邇盡人事以聽天命是以於天文而或畧焉若夫一邑之史亦必上應列宿凡年歲豐凶以及人文之盛衰興廢時令之祥瑞災異無不歷歷垂象以昭示炯戒於人望人之所以言畏天也况藤邑當軫之六度屬婺女分野前人考證明確詳哉其言之矣使一邑之官紳士大夫皆勉盡人道以上應天休安見三元四解之盛不再見於今日也人道之表章卽亦天道之昭著也志天文

天文志

星野(氣候附)

列宿翼軫牛女四星分野說

翼宿二十二星爲朱雀翼軫宿四星名天車牛宿六星內二星一卽路二聚火中主犧牲外三星主南越女宿四星又名須女水星也翼距中右第二星去極百四度入翼初度凡十九度上爲中道赤道十九度九十分黃道十九度六十五分軫距右內星去極百三度半入軫初度凡十七度赤道十九度三分黃道十九度五分起張中翼終軫十一爲鶉尾故翼軫二星於辰在巳分野屬荊州牛距外星去極百十度半入牛初凡七度赤道七度二十分黃道七度五十分女距右外星去極百四度半入女初下爲中道赤道十一度五分黃道十一度十二分凡十一度自南斗十二度至須女七度爲星紀故斗女二星於辰在丑分野屬揚州(參用歷代天文志)

史記牽牛婺女分野在今之蒼梧等郡

漢書地理志楚地翼軫之分野今之江夏諸郡也粵地牽牛婺女之分野今之蒼梧諸郡也

晉書天文志自南斗十二度至須女七度爲星紀吳越分自張十七至軫十二度爲鶉尾荆楚分

唐僧一行兩戒之說自江源循嶺嶠南東及海爲蠻越又升陽進踰天關純乾之位故鶉尾直建巳之月內列太微爲天庭其分野自南河以負海亦純陽地也又斗杓謂之外庭陽精之所布也斗魁謂之會府陽精之所復也杓以治外故鶉尾爲南方負海之國自房陵白帝而東盡漢之南郡江夏東達廬江南部濱彭蠡之西得長沙武陵又逾南紀盡鬱林合浦之地自沅湘上流西達黔安之左皆全楚之分自富昭象翼繡容自廉州以西亦鶉尾之墟又曰在吳越東南斗牽牛星紀也初南斗九度中南斗二十四度終女四度逾河南得漢丹陽會稽豫章西濱彭蠡南涉越門訖蒼

梧南海逾嶺表自韶廣以西珠崖以東爲星紀之分古吳越郡廬桐六蓼及東南百越之國

宋蔡戡曰分野之說肇自黃帝星文之學源於甘石其所從來遠矣遷固之說以斗女爲吳越分而翼軫爲荆楚分凡欲知星文之所係先考郡國之所屬可也方少廉庶子之始封而爲越國也都於會稽其後勾踐又以會稽而霸閩王搖趙佗尉之王也一都東甌一都番禺其地皆北接吳之境土故前代多以吳越並稱而史或謂之揚粵以越亦揚州之分也凡遷固以來謂斗牛女爲吳越之分野並屬揚州者皆越之東界以累世立國之地言之至於兩漢地理志遂并以鬱林蒼梧所屬之郡在越之西界者盡爲牛女之分野則差之毫釐而謬以千里矣所以杜佑之作通典歐陽文忠公之志唐書東坡先生之圖指掌皆以爲前史之誤也且史記趙佗帝制之時東西萬餘里而一行山河兩界圖之說則以爲自江源循嶺嶠南東及海皆蠻越之地蓋粵之疆場最廣自古謂之百粵雖東極於會稽西則抵西南之界其東北界雖

接吳而其西北實抵楚列宿在天所主之分野隨方所向皆當逾海際天而後止周禮東南爲揚州正南爲荊州其接吳者爲揚州則星紀之分並在東南方也固不應磬折而西轉以抵正南之方荆楚之界而并爲星紀之分野也且翼軫所向正南方亦不應至始安而終止而始安以南遠屬斗牛之分也通典之說曰按荊州南境至衡山之陽若五嶺之南在九州封域則以鄰接宜屬荊州豈有舍荆而屬揚斯不然矣此則近史之誤也其大概以爲嶺南之地分野所屬其西界當屬荊州翼軫之次耳唐書天文志曰後世之言星分者據漢書地理推之是守甘石之遺術而不知變通之數東坡指掌圖中其天象分野圖亦援唐志之說以爲證而唐書地理志則以韶廣康端封梧藤羅雷崖以東爲星紀分桂鬱林富昭蒙翼繡容白羅以西爲鶉尾分又一行禪師用李淳風之說以分野圖云自韶廣康封梧藤羅雷州南及珠厓自北以東爲星紀其西北屬鶉尾之次以此叅訂則越之東界其北接吳者屬星紀寶斗牛女之分野而越之西界其北抵楚者屬鶉尾實翼軫之分野前史之差謬至



是而後較然明甚雖然靜江在唐爲桂州屬嶺南道在漢爲始安屬零陵郡今支邑之荔浦漢屬蒼梧郡桂林新舊志不盡考諸家之說遂以始安屬荆爲翼軫之分荔浦以南屬越遽以爲牛女分蓋承前史之誤耳按史記勾踐滅吳併有其地與中國會盟逮王無疆時北伐齊西伐楚與中國爭疆其境土之廣可知矣又按史記楚世家當夷王時楚王熊渠伐庸揚粵至於鄂揚粵卽趙侏傳中所謂揚越也西漢亦如史記之通用越粵兩字而互見之也又云封其子爲越章王皆在江上楚蠻之地則揚粵之舊疆不復可以西漢郡縣所分爲正矣故翰林承旨宋公白等七人之續通典亦以桂州爲禹貢荊州之域春秋時越地七國時復爲楚戰國時爲楚國及越之交境此蓋歷考前載而其說進退可據若然則靜江府在漢雖屬零陵郡其實古之越地於星文則皆屬鶉尾荊州之分固不當以始安荔浦一時之所屬爲別也晉志以零陵爲入軫十一度而始安屬零陵郡靜江當軫之十一度矣且軫四星之中別有一星名長沙而禮祀正義所引緯書考靈耀云一度二千九百三十二里有奇軫

星共十七度今長沙去此纔一千餘二十里則靜江當軫之十一度斷可識矣且天文二十八宿之外其星有專主下土者不特長沙也

明天文志廣西所屬梧州之蒼梧藤容岑溪四縣皆星紀分

劉誠意星躔分野以平梧當軫之六度

通志梧州大江以南繡江以東入於女

國朝廣西通志廣西於天文爲翼軫分野惟梧州蒼藤容岑四縣屬牛女

李志梧州之蒼梧藤懷集星紀次丑辰斗牽牛婺女分野

按辰無更易星有轉移歷代談天家各相推測如三統歷漢律歷志費直說周

易蔡邕月令章句陳卓景初歷皇甫謐世紀一行大衍歷明大統歷其言張翼

軫斗牛女等宿度數多寡各家不同畛域界分亦彼此互異蓋天道遠而難知

人事近而易據求諸渺茫固不如徵諸實境也然馮相司常保章察變其說見

於周官師尹惟日庶民惟星其義詳於洪範必謂方隅一邑不必考其星分似

亦持論之過今考梧郡當軫六度大江以南繻水以東入於女竊意郡治灘與湘異流同源當爲軫六而藤邑正值繻水東大江南洵揚州婺女分也則星紀之次爲得其實云

氣候

揚越之地少陰多陽其人疏理其性能暑〔漢書〕南方土薄而地卑土薄故陽氣常泄地卑故陰氣常盛陽氣泄故四時常花三冬鮮雪一歲之中暑熱過半人居其間腠理不密膚多出汗陰氣盛故晨昏多霧春夏雨霖一歲之間蒸濕恒多人多中濕肢體重倦衣服皆生白醃蓋陰陽之氣不齊故一日之內氣候屢變諺曰四時皆是夏一雨便成冬地氣然也蓋天地之氣極北寒勝極南熱勝五嶺以南號曰炎方其高岡疊嶂左右環合往往鬱而爲嵐惟梧藤諸邑地頗平坦不得謂桂林而南皆瘴鄉也但離明火位調攝之功宜加謹焉

節錄李西美攝生論并參范成大桂海虞衡志

春夏之間漲潦時發三伏炎熾特甚生物早而不力人感之每患瘧疾驟去衣襟輕

飲凉水者爲所中（參郡志）

孟春之月桃李花柔桑可採二麥黃田功既興蒼蠅拂其羽仲春之月蔗初芽蕨拳舒粉魚苗生蜩降於霧木棉吐英是月也農功畢作蟋蟀鳴王瓜生季春之月溫風至梅子熟催耕鳴田蛙鼓吹蒹葭絮鷓鴣鳴

孟夏之月佛桑紅綻高榕蔭日樹蘭綴珠白雨以時至蛤蚧鳴蠹化爲螢仲夏之月荔枝丹菩提舒葉羣蟻朝其祖鈞割鳴早禾登元鳥再乳季夏之月白雨足西潦降芭蕉子垂新穀既登亟播晚種涼風猝至

孟秋之月秋針重碧翳田浮龍眼熟是月也暑始酷爍石流金桐始黃仲秋之月木芙蓉花梨栗熟黏始穫秋筍出魚秧化爲鳥季秋之月木樨香放紅酒登白欖落紙鳶翻風菊有黃華木槿榮

孟冬之月耕牛放閒八蠹之功畢嶺梅芳橘柚錫貢銀河夜見是月也霜始下氣乃寒燒薙殺草仲冬之月桃始華鷓鴣蔽葉山花時茂是月也農斂穀屯困涸塘以漁

季冬之月水仙來賓池塘竭稚笋出風蘭賀春雷或有聲霞時集

按昔人以西粵爲瘴鄉夏日青草秋日黃茅生長斯土者猶可相習行人旅客  
仕宦羈遊暄涼晴雨之交飲食起居之際調攝偶疎卽觸烟嵐而成疾此當分  
別言之未可一概論也蓋城依巖谷邑極邊隅或恐不無戾氣藤衝左右兩江  
地脉疏豁絕無瘴癘而民物殷繁尤非土薄人稀可比况和風甘雨久沐休徵  
南交風境不且與中州無異歟

藤縣志卷之三

輿地志總序

周禮誦訓掌道方志後世志封域者祖之而其義莫備於職方東北西南以定其疆域山藪川浸以明其美利三男二女四擾五種以別其風俗物產詳哉其言之矣逮漢書地理志并列星野樂氏寰宇記復增古蹟自是以來其體彌備蓋辨方正位度地居民豈徒求其疆索識其廣輪而已哉藤居八桂上流當三江要會蘇長公以小天竺擬之者殆亦愛其形勝之秀耳雖壤地僻遠不足以誇饒沃而士知禮義務農耕桑惟在敷施政教者有以固其淳而化其澆奠其居而永其業安在僻遠之非樂土也哉志輿地

藤縣志卷之二

輿地志 (疆域沿革)

唐虞屬禹貢揚州之南境

三代爲南越地成王十年時有越裳國

秦始皇初使屠維統五軍殺西甌君呼宋伐越越人皆入叢中莫肯歸至三十三年

王翦伐楚之勝安定其地始入中國屬南海郡

按漢書南海郡秦置沿革以來卽今懷集岑溪藤縣賀等地

漢平南越爲猛陵縣地屬蒼梧郡秦時蒼梧屬桂林郡漢始置蒼梧郡

三國吳屬蒼梧郡

晉穆帝昇平五年分蒼梧地立永平郡以安沂縣爲郡治又析安沂縣地爲夫靈縣

屬於永平

按晉分蒼梧地立晉康新寧永平三郡太守永平所屬有雷鄉廬平員鄉普靈

開城五縣又有熙平後並省

宋永平郡領縣七內三縣郡治安沂今藤縣地與夫武今藤縣地武林今平南地俱在粵西境此外

尚有蘇平等縣隸之

齊永平郡徙治夫甯梁兼置石州更安沂爲安基置建陵郡

隋開皇三年平陳廢郡置藤州改陰石縣今之容縣爲奉化縣屬藤州十有一年改遂成

縣爲戎成縣屬藤州大業三年復以藤州爲永平郡治永平縣即夫甯縣開皇中改名並領武

林安基隋建隋安普甯成化戎成甯人淳人大賓賀川共十二縣

按大賓開皇十五年置隋建隋安淳人賀川皆開皇十九年置普甯即奉化開

皇十九年改名甯人又爲安人開皇十八年改名隋建平南地戎成蒼梧地大

賓桂平地甯人容縣地隋安淳人俱藤縣地隋建隋安本兩地府志以隋建爲隋安誤又陳置建陵

綏越蒼梧永建等四郡平陳郡廢俱藤縣地

唐武德五年以永平縣爲藤州領永平猛陵安基武林隋建陽安普甯戎成甯人淳



人大賓賀川貞觀七年以武林屬潯州安基屬燕州普甯屬容州八年以猛陵屬楛州十二年以隋建屬冀州天寶元年改爲感義郡乾元時復爲藤州

按唐藤州感義郡領潭津感義義昌甯風四縣初州治永平無潭津貞觀後改名即猛陵地又以原治永平隸昭州甯人隸容州皆因時更置感義義昌本淳

民安昌武德時改爲感義至德時改爲義昌其甯風一縣查武德五年置鸞州

領桂州之實平貞觀二年又以藤州之大賓隸之增領長恭秦川池陽龍陽四

縣以長恭爲鸞州治五年置增新樂甯風梁石羅風四縣七年徙治甯風改名

秦州省長恭入甯風改池陽爲承恩八年徙治安基藤縣復爲鸞州十二年省

龍陽承因十八年州廢縣屬藤州省新樂安基梁石羅風皆今藤縣地

五代晋天福四年馬殷自立爲楚王以潭津縣爲藤州治屬南漢所領義昌感義甯

風仍沿唐代

宋平嶺南藤州領感義郡軍事開寶二年省甯風感義義昌入潭津縣熙甯四年改

南儀州爲岑溪縣屬藤州隸廣南西路

元仍行州事隸湖廣行省領潭津岑溪二縣至正末隸廣西行中書省

按唐改感義郡後仍爲藤州宋徙州治於大江西岸元至元十三年仍行州事明屬梧州府隸廣西布政司洪武二年九月省州治鍾津縣入焉十年五月改藤州爲藤縣共三廂二十八里外五里爲五屯所軍籍五屯所卽甯風地古西甌北屬藤縣

國朝五屯五里編歸民籍罷守禦所改爲白石寨巡司駐劄

宋

永平太守領縣七去州水一千二百去京都水五千四百（宋書州郡志）

唐

感義郡藤州東至連城郡二百五十里南至連城郡二百里西至臨江郡百四十九里北至蒼梧郡九十七里東南至蒼梧郡一百九十八里西南至臨江郡百四十九

里西北至普甯郡二百五十一里東北至蒼梧郡一百九十八里去西京五千五百九十六里去東京五千二百里(通典)

藤州至京師五千五百九十六里至東都五千二百里南至義州二百里至翼州一百四十九里北至梧州九十七里(舊唐書地理志)

宋

藤州東西百六十里南北一百三十里西北至東京六千二百里西北至西京六千六百里東北至長安六千八百里東至梧州二百五十里西北至翼州一百四十里南至義州二百里北至舊州一百一十里東南至南儀州界一百六十里西南至容州陸路二百一十里水路三百二十里東北至梧州孟陵縣界十五里沿流至梧州一百里西北至蒙州東區縣一百四十一里(寰宇記)

藤州至東京六千八百五十里東至本州界六十一里自界首至梧州六十四里西至本州界八十里自界首至翼州九十里南至本州界二百九十五里自界首至高

州一百七十五里北至本州界一百一十里自界首至韶州二百八十里東南至本州界二百四十八里自界首至梧州六十四里西南至本州界一百七十五里自界首至容州九十五里東北至本州界十五里自界首至梧州六十五里西北至本州界一百四十一里自界首至昭州二百八十里（九域志）

### 國朝

縣在府西東西距二百三十里南北距四百一十里東至古銑村接蒼梧縣界七十里西至律塘村接潯州府平南縣界一百里至平南縣一百五十里南至容縣大榕村一百六十里至容縣二百七十五里北至六忝村接平樂府昭平縣界二百一十里至昭平縣三百五十里東南至孔夾村接岑溪縣界一百九十里至岑溪縣三百二十里東北至狀元埔 縣界六十里西南至西龍村接潯州府平南縣界一百二十里西北至五屯所接平樂府永安州界一百四十里至永安州城三百八十五里編戶共三十六里自縣舖至本富驛水程一百二十里

左至古先接蒼梧界十五里右至石良接蒼梧

界五十里 陸程八十五里 省城水程八百九十里 陸程六百六十里 陸驛六十有二至

京師金臺驛水驛一百零九水程六千八百五十里 陸驛一百零四 陸程八千三百二十二里

藤縣志卷之三

輿地志

三廂十坊

五袴廂 城內

西隅廂 永安門外

南隅廂 迎恩門外

仁壽坊

興賢坊

賜福坊

俱城西

登俊坊 迎恩門外

通濟坊 通津門外

勝概坊

孝通坊

富壽坊

得雋坊

俱水東街

桂坊 永安門外

案勝概孝通富壽得雋四坊前附城今省入一都又登俊坊本為唐李善臣建後遂沿為地名

六鄉

孝義鄉 在縣東

一都 二都

三都 四都一

四都二

計五里

仁封鄉 在孝義東

七都 八都

九都 十都

十五都

計五里

感義鄉 在縣西南

二十八都 三十都 三十一都 三十二都 三十四都 三十六都

三十八都 三十九都 計八里

義昌鄉

十八都 二十一都 上二十二都 下二十二都 二十五都 計五里

太平鄉 縣西北

四十一都 四十二都 四十三都 計三里

甯風鄉 在太平鄉西北

四十六都羅龍里 四十七都大任里 四十八都東皇里 四十九都三江里

五十二都隨化里 五十六都楊峒里 五十八都大黎里 共計七里

墟市

大街市 縣治 城東市 通津門外 城西市 永安門外 城南市 迎恩門外 坡頭門市 在縣東十里

赤水墟市 在縣東六十里

糯峒墟市 在縣東二十一都

安城墟市 在四十三都蒙江口

和平墟市 在四十六都

太平墟市 在四十七都

古龍市 在隨化里 五屯所署在焉

寶家市 在三都 三眼堡署在焉

三江市 沒 白馬墟市 在四十三都

金鷄市 在三十都 大澗灣市 在三十都

各都村名

一都

河東街 瓦窰 上窰 下窰 文津塘 牛欄塘 佛子 早塘 帶塘

蓮子埔 峽口 新村 白效 古笠 江口 大田埗 新地 靈龍 沙子

大屋洞 大橋堀

二都

富安 禮秀 答村 古榕 雞頭嘴 瓦塘 吉慶 大羅 新村 大嶺嘴

龍塘山 嶺背 思得 隴村 井口 側嶺



三都

神嘴 平政 榕木 雲平 黎塘坪 老鴉塘 吉嶺 陳塘 平嶺 歷木  
黎山口 白沙 松塘 汶塘 梭塘 光主坡 陳王 古梅 白梅 沐浴垌  
周垌 古寮 五斗 雞膝 兩岸垌 大龍 富路 田墘 大猷 石井峒  
埤角寨 思王 窖塘 汶底 十丈坡 三門灘 岳埇

四都

洲頭 栗木社 大港 大滄 大地 井塘 獺塘 屋地 石黃 大安橋

裏地 洲尾

七都

新慶 馬子 新村 蒙詰 翰池 西岸 大村 神安 塘村 蒙詰 丹村  
神嘴 燕村 蒙強 木暗埇 森村 地英 竹園 龍背 堂燕 饒底  
象塘 杉尾 大地 河口 楠村

上八都

涌表 石頭 公稔 山心 旺龍 大洞 那逢 公楮 新村 南福  
古撞 大塘 屋勳 富涌 王板 六仕 田湊 龍寨 平佃 破口  
大塘洗村 良吳

中八都

飛鸞庄 孔星 新寨 曇蕩 開來 沙田 古另 木力 長慶 瓊涌  
廊下 思河 轉塘 鳳塘

下八都

孔鄧 律村 上楞 下楞 鈷板 平江塘 大黎 石塘 蒙垠 大坦  
堞垠 大口 古祀 坦頭 洞口 上垌 古琶  
九都

赤水 大地 柳鄉 古靈 壬田 維定 官田 古崑 峽塘 古另

大源洞 石后 老鴉 孔良 待村 崑峒 金峒 環村 石橋 舊環

孔斷

十都

壽富圖 勒竹 思門 舊村 外寨 田禮 屋蒙 新垠 孔羅 雅垠

三一垠 界頭 太平 陳村 新峒 孔廩 大垠 陳梯 樞村 尋塘

蓋村 瀧面 楊村 平城 甘白 界峒 古城 高垠 仁者 國寶寨

沙黃 白土 旺長 壩麥 寺面 外寺面 垠南 壩任 新村 上周村

顧龍 下周 大范 峽村 員珠 孔聘 君臣 橫石 藍村 新慶村

鳳凰 石主桶

十五都

眞聖 地龍 萬屋 曇峒 富安 遊村 曇豆 洞心 古零 上水

平頂 力桶 屋高 巖嶺 富壽 大流 烏石 四楞 陳底 古筆寨

沙村 范塘 大梳 斯文 架澗塘 深塘 大桶 新村 河塘 十六峒

十八都

黃堂 富羅 烏院 洞心 太平 覃村 白竹 羅村 程教 廻龍

牛嶺 富甯 富力 山口 曇馮 羅同 靈山 古謝 賓村 合水

波堂

二十一都

福隆 新塘 廻龍 曇汶 地麻 沙坦 路播 夏村 古立 地雞 石尊

三屋 孔傑 崩塘 大地 太平 白梅 鴨垠 黎村 扶廟 鳳嶺 根竹

樟木 曇亭 新村 君子 古引 古龍 曇獨 曇爐 洞心 河村 古淡

墨脚村 平塘 平坡 上平坡 古下村 古外村 古灶 清水嶺

上二十二都

綠雲 海棠 蒙亮 石寨 新村 大坊 流桶 大坡 高山 陳村 曇沙

上良 葉村 曇宅 石鼓 曇河 曇陳 大竹 龍塘 孔村 新壽

高田 坡塘 祈村 大木寨

下二十二都

都宦 蠟堀 礮面 榕木根 富豪 平坡 六寨 孔賓 廻籠 山平

司馬 脚山 石竇 石床 平山 馬埔 霞蓋 古御 大社 蒙埔

月田 沙田 河邊 孔龍 古道 路榜 沙埔 沙村

二十五都

交塘 良村 茅田 平廊 河陸 石城 甘村 椰埔 河村 裏河

上大述 下大述 豐林 大倉 雅贊 旺山 黎村 黨子 回龍 黃薑

上陶村 下陶 石墳 蓮塘 扶南 山心坡 汶洞 孔壘 上老鴉 下老鴉

安山 嶺嘴 東翰 平直 歐村 上遠洞 清香 新村 龕口 羅襖

立魁 石林 羊額 雙門 踏路 祝村 孔淵 富埔 長堀 勉埔

籠桶 車田 龍田 大坡 沙埭 古稔 波塘市 新廉 新龍 思亮  
 叅堀 六合 麋鹿 木洪 上鄉 羅碗 孔展 石林 石堅 古榮 河老  
 坡平 勒欒 茅平 灘急 水口 灘碗 古旭 避哮 滑石堀 六肥  
 容桶 河村 橫底 古羅 六篤 龍暖 石峒 曇臺 馬乍 曇棍 上墘  
 大坡 良村 新里 蒙池 長塘 孔桶 蒙布 蒙壘 十九桶 舊村  
 蒙茄 蒙臘 蒙登 蒙疇 蒙高 蒙坐 蒙程 蒙贅 蒙棍 公鎮 大桶  
 大塘 石堀 雲野 大練 米圍

二十八都(合水有市)

根山 都目 東岸 平桶 大鄉 古凍 東興 富裕 古片 巡官塘  
 木樞 六岑 曲桶口 榕木 大村 大橋 上榮 上河 淋塘 大竹  
 拔塘 獨洲 橫峒 明新 寮桶 山口 獨塘 古霧 廻龍 街口  
 騎馬 麥地 福籠 交塘 多文

三十都

都蒙 白石 花灘 下邨 白步邨 甘村 中根 中村 坡塘 社埗  
陳塘 上訓 富練 河口 柞油 勤有 羅平 大榕 佛山 貓兒灘  
旺村 大田 覽山 扶攬 歷木 古濕 馬村 下埠 石村 思蘭  
佛子 例塘 文田 車面 羅僕 羅傍 外村 嶺脛 豚地 黃義塘  
楓木邨 康埗 蘆村 羅樸 雙頭 新村 古留 舊村 珠塘 坑埗  
大化 石歸 南塘 大旺 古城 都歐 龍塘 蓋底 大村 古欖  
羅雲 樓山 翰塘 廿六村

三十一都

村波 平尋 崇輝邨 白竹邨 桃源 里滑塘 延崇 夏埗 勒埗  
潘垌 (有市) 大洞尾 黃嶺 北岸 滑石 花田 上邨埗 下邨  
芋藤 都梅 柑子塘 大峽口 米滿 洛塘 小留 富田邨 羅文洲

山鷄 貴心 大化 行院 板桐 大留 古房 江口 截門塘 寶家寨

福隆 富餘 謝塘 竹子塘 陀田 石城 庫祝 河老 青草洲 潤周埔

三十二都

龍灘 陳山 井埔 平山 木鏡埔 古云塘 陳埔 西化 富垌 西魚塘

扶嶺林 周村 白墳 山口 雙龍塘 高田 良村 黎坡 盧埔 嶺頭

和堂 江口 黃沙 板表 突埔 新榮 梅埔 都永 音埔 木山

長田 盧算 腰古 忠心 石頭 石嘴 驛面 上佳 李村 潘垌

榮台 高坡 石瑞 羅屏

三十四都

金鷄 木樨 虎跳 佛子 古相 沙塘 西埔 大岸 古道 霧靈 大坡

陳埔 大墳 大沙 河倒 白安 水岸 斗埔 垌頭 沙埔 沙埔口

古秀 古籃 君都 地洲頭 石由垌 鴨塘 葉塘 大輿 雞潭 大水埔



都步 峽口 黎村 石九 新村 石窠 李村 新安 岑埔 石田

閔村 太平 思亥 大樂塘 夏洞 山脚 橫台 榮台 大益 西岸

莫村 王村 上河 掌管 主河 同慶 馬曹 塘邊 岑洞 陳村

平山 井涌 富獲 山塘 陶洞 田涌 義昌 州地即古南儀州 富竹

三十六都

黃鑿 鐸村 思便 新村 大橋頭 古鳳 八塘 街頭 洞頭 芝蔴

花洞 井上 大塘 龍村 雙竇塘 泗河 古打 古撒 例山 甲巳村

三合舖 覃村 思覽 牛尿 百禾地

三十八都

大石 遊村 扶坭 茅坡 五指 新車塘 歪脚 大洞 古達 青草洲

大竹塘 浪灘 龍灣 龍科 潭寺 穿窰 河口 大坡 長慶 洞頭

秧地 仙坡 洲兒 大路 霧水閣 思旺 高埔 高要 文蒂 鳩厥

富龍 鳳塘

三十九都

龍慶 石塘 社洞 老雲 廻龍 羅悶 甯兒 井塘 潭水 獺背 薑埔

榔頭 洞頭 高榔 榔坡 倩口 山口 聖塘 驛面 丹竹 新慶 寧村

陳埔 大湧 鴨公塘 陳村堀 富雙 古澤 古潭 古齊塘 大澤 上榔

綠雲 大塘堀 (廉塘村) 大石崢 (下礮村) 林村

四十一都

白沙庄 富宥 峽山 諱水 上旺村 旺村堀 古答 大塘 平空

大河坡 谷山 燒梅 柴脚 登洲 龍港 河口 上岸 四培 河口 武烈

登洲 下嶺 上嶺 金埔 底堀 大地 大馱堀 足食 井澗 蓮塘

西隅 登競 慕寮 河口 思滋坡 大橋 底堀尾 草洲 禮洲 蛤石 新塘

馬地坡

四十二都

燕田 藤山 路埔 馬坡 裏許 許村 太平 章村 大嶺 井塘  
 保村 大坳 都厚 河村 外河 河口 都江 大坳 新基 樟村  
 新福 崩塘 滿村 舊村 燕嶺 石爐 渡頭 大灣 新塘 塘埔  
 中村 長坳 嶺嘴 埔底 木効 謝屋 廻龍 上架 大地 綠眼  
 佛子 旺村 石腮

四十三都

濠口 江口 黨洲 黃駝洲 十二基 石壘 王德 新竹 寨頭 爐沙  
 牛皮墟 新塘 大甫 合水 覃村 新村 社背 久美 木魁 火燒基  
 橫步 蒙村 汶塘 馬星 建安 牛夾頭 韓埔 雞脚 社塘 荔枝埔  
 石塞洲 高村 下岸 交埔 大心坡 黨洲頭 蟻埔 古井 大良  
 尖刀坳 西瓜嶺 外良 洲腰 洲尾 大田坳 泗洲頭 下棍 永安

蓮垌 上岸 麗水 如良 橫岡 和垌 平田垌 都本垌 萬壽 馬王

富墳 車較垌 上垌頭 陶村 田寮 馬王 羅密 石槽 集義 會良

大桶 鎮馬 旭埗 平羅 黃塘 思盧 平羅 陳村 羅獲 良振

周村 燕塘 裏良 合水 水口 冷水 勒竹 新安 上陳 下陳

獨洲 黎村 新嶺 洲村 底垌 大塘 羅喚 都印 鴉鵲 藤底

大桶 栢木沙 案塘 蒙在 牛寮 羅蓋 田寮 牛頭桶 渡水

鴉鵲桶 安垌 渡水 上垌 白新墟

四十六都羅籠里

都坡 律塘 新村 馬塘 底垌 姚村 十岸 蔡村 留村 白沙

莫村 創塘 蒙頭 外緣 裏緣 竹村 練村 古心 廣村 大心坡

羅意 雙村 斯民 鎗村 黎村 羅絆 拔塘 橋頭 大嶺 陳村

和平墟

四十七都大任上里

德榮 古道 大東 巷播 巷番 歌敲 舊村 巷蓬 花園 上料  
 東良 木金 齊均 朗富 河本 京村 古撥 陳山 長沙 平田  
 花窰 思羅 思蘭 効村 寺坡 大村 石脚 管村 高田 進坵  
 東江

大任下里

大樓洲 樓上村 樓下村 筋竹 牛牌頭 長盛 六垌 古埔 埔口 德勝  
 魚花塘 石塘 東平 古架 陳灘边 那樑坵 黃畫 水寨 大寨  
 下平 下歐 歐村 平村 木崖 侶山 佛子 龍田 楊江 社坡  
 寺村 大坡 古樂 山科 潭相 山琶 所峒 旺要 平雞 丹竹  
 題詩 黃欖 十種 上破 黃牛 留利 歌同 龍邦 排遁 花潭  
 岑村 按峒 橋爐 四方 那狀 岑腦 王漚 莫四 大開 雙平

下莫四村 雙橋 雙橫 古嶺 赤保 馬路 下礮 橫龍 歌憑 黎竹  
門白 古掃 高灘 大窰 下寨 大勝 石羊 歌例 高灘 廊寮村  
四十八都東皇里

東養坪 新福 富渴 江口 竹蘊 橫橋 畔月 羅活 烈堀 朗洲

大鵬 下黎 高城 新寨 石人 胡啖 石標 板堀 雷廟 新堀

大城肚 大化 業台 六社 河塘 大灣 雅片 白堀 諳綴 英塘

新村 望星 洲村 德勝 古掃 大窰

四十九都三江上里

武儀 古德 藤口 新興 新福 那祿 瓦窰 山口 蒙藤 德墨

六題 排浸 大社 外羅 裏羅 中羅 龍頭 招兵 裡夢 沙堀

都管 武功 盤古崗 甘村 界村 平山 大塘 官塘 大鹿 福村

大堀 六安 東岸 鷄田 白竹 下竹 屋塘 曇边 都鏡 梧柏

白蓮堀 佛子 大案 上河 盤古 馬村 木紅 初二 高祖 蟠龍

車田 山塘 丙州 大山

三江下里

荔枝洞 竹園 石橋 班爵 武倫 九都 座堀 嶺埔 嶺頭 寺村

狗胆 螺山 零堀 木<sup>上</sup>依 木<sup>下</sup>依 木<sup>裏</sup>依 木<sup>外</sup>依 河口 蓮花 河東廂

大木根 蘿蔔塘 五屯所

五十二都隨化里

古龍 山倉 齊村 上坊 都柏 魯馬 堀窟 上堀 聖山 廻龍

長村 底河 沙村 大坡 河村 白梅 山塘 中坡 汶井 魯母

林村 塘村 古另 伏村 馬田 靴田 利田 硤箕 上寨 蘭田

思燕 思祿 新村 冬瓜 那白 栗木 述竹 新慶 逢村 思敬

蒙廊 花謝 金坡 竹桶 社峒 古灣 歐村 高簾 那黎 王四

富悅 古蘭 古麗 古本 王坡 羅悅 彩塘 盤古 新村 瓦窰

大秧 勒竹 平勝 外資 裡蒼

五十六都楊峒上里

丁田 平峒 古倉 欖峒 羅犬 石窰 中孚 上孚 甘村 龍窰

壞嶺 石脚 月欖 九懷 十二村 歌龍 塘涌 良峒 排佛 藍峒

羅灰 濃塘 木魚 中車 龍峒 大窰 黃漸 那河 石夏 全村

下車 西岸 東觀 周涌 螺壳 古篤 孔村 羅文 雅波 那東

龍宮 思排 社背 楊峒 小峒 上門 下門 王奈 雷涌 下馬

黃峒 水口

楊峒下里

君裳 小帶 思忌 塘怨 上坡 羅胡 上楠 下楠 外下峒 裏下峒

東岸 東岸 賴口 爐峒 六陋 高村 坡頭 郎裏 三角 佛金



王家 雞灘 大帶 公歪 羅鋤 塘村 茅埔

五十八都大黎里

燕峒 板邏 江口 昨上瓦 高台 昨下雅 古政 幕衣 王峒 波治

邏雲 新旺 廻能 都昌 平坡 古堂 坡霞 六懷 周村 新田

輿村 下柳 廣榔 上平 花洲 古笋 古沙 寺村 大宅 甲午村

古櫃 皮峒 石黑 料南 都兵 來力 孟村 那遲 貝峒 水口

平灘 坡間 平村 那流 大黎 東岸 都坡 東頌 樟村 王官

武村 古制 羅姑 木楸

按藤之疆域幅員頗廣東西南北計里六百有奇自古侯國之封無以過是舊有三廂十坊六鄉今鄉析爲都其都名暨墟市皆一一詳列於右惟各都村落名號滋多不及遍載而特登其居民稠密者已足徵生齒之日繁云

藤縣志卷之四

輿地志

山川

橋梁

津渡

古蹟

山川

東山在縣治東一里通津門外高百餘丈林樹蒼蔚上有唐李衛國公祠下有秦少游二女墓山左一峯有文昌閣樓五層閣下瀛臺浮金亭山後有文筆夜月初升清光如鏡列入景曰東山夜月今改爲東岡霽月

磁鑪山在縣西一里有磁鑪佛舍今廢

南山在縣南二里諸峯聯絡橫列縣治前舊有杏壇松崖竹塢芹澗荷港諸勝其巔爲雷神祠

石壁在縣南二里高十餘丈其色赭亦名赤壁下臨繡江樹皆倒懸巖石如削列入景曰石壁霞紋

谷山在縣西北五里一名西山隔岸臨江其形若谷高冠諸峯奇挺秀拔常有雲氣

如烟橫霧結望之森然列八景曰谷峯列障今改爲翠疊

登嶼在縣西二十里江中高聳二峯對峙崔嵬蒼翠形如螺髻列八景曰登嶼聳巒  
今易文嶺雲環

文嶺在巒宮西常有雲氣週迴環繞登其巔如身在九霄列八景曰文嶺雲環

葛坡嶺在縣南橫如一字爲舊學宮案山又名學嶺

繩武嶺在縣西學宮右峯頂環秀如蓋

掛榜嶺在縣東一里形如掛榜

石人嶺在縣南四里峭絕臨淵下爲龍窟歲旱祈雨於此山巔巨石峙立俯瞰長江  
望之如人

龍驤山在縣南六里去石人嶺里許聳翠數峯拖蓋一水晉龍驤將軍陳隱曾駐師  
於此

大乙嶺在縣西南五十餘里高入雲表夾道多松杉酷暑陰涼行人憇焉

都蘇嶺在縣南六十里頂有一穴甚深世傳土官竇家葬此

石城山在縣東南七十里義昌江內石壁四圍如城人跡罕到

六爻山在縣西八十里峭絕臨江山形六疊酷似卦爻山麓爲十二磯絡繹相屬與

白馬堡對峙爲峽寇出沒處明天順中學士錢溥使交趾過此遇警因賦拒賊行

鷄籠嶺在縣西北八十里峭壁摩天中通石巷樹林陰翳可以遊息

天馬嶺在縣北一里

石菰山在縣北一百里

古甑山在縣西一百里

獅子山在縣西北一百里高聳數十仞望之巍然山頂平曠上有巖深廣數丈岩中

夏清冬溫岩外飛泉如瀑布右一峯名天馬羅列石佛十八尊歲大旱野人多禱雨

於此

石鳩嶺在縣東南百餘里綿亘高峻爲秀子嶺衆山發源

燈架嶺在縣西北百餘里壁障丹崖凌空挿漢爲五屯里表一奇

鷄心峽在一都瓦窰村南三里許

屋棟嶺在二都禮秀村山半有石巖空洞可容二十餘人四五月時有葛仙米出於

岩際其右里許爲柴嶺路通蒼藤二邑

石嶺在三都神嘴村崔崑特立秀出諸峯之右

高鳳嶺在三都沐浴村一名交椅嶺

石感嶺在三都大猷村

赤峽在九都赤水峽中兩岸地高山嵐環繞溪雨初晴別增幽致列八景曰赤峽晴

嵐

龍門峽在縣東南二十一都古引村爲藤岑界高數十丈望之如龍門

觀音峽在縣西一百里

新里峽在五屯城北

石鼓山在十都西孤峯聳翠北去數里爲貴人嶺嶺上盤石如砥中有仙人足跡

木刀山在十都新垌村

龍山在十都榔南村

三塔嶺在十都平城村高數百丈崔巍秀拔高踞一方下有怪石嵯峨奇狀百出旁有石穴僅容蹊步行數武廓然洞開廣可數十畝聞昔人常避亂於其中

西嶺在十都壽富圖右高十餘丈突起洞中四無連繹登之萬山圍繞二水合流松濤泉韻互相響答里人共建廻龍廟於其巔

螺龍嶺在十都楊村其形如螺蛳蜿蜒復如龍其巔建龍華院里人議建文會每年於院集考後學並捐金出

息爲考時  
膏火支費

思孟嶺在十都界頭村高千餘仞聳拔凌霄週圍十數里山石巉巖峻削不可仰視常有雲霧覆罩其上巔有石如品字名三跳又名三品中有棋石方平如板長丈許

相傳有仙人嘗對奕於其間

顧龍坡在十都舊有汎今墩台猶存

蒜子石在二十八都上堡夏天雨過其氣如蒜香爐石在二十八都上堡石鼓山麓有石如香爐天雨有烟自爐出鬻靄氤氳稱奇異焉

石門在二十八都上堡都巖山二石如闔扉然較場坳在縣西一百里五屯所即前明指揮訓練處今尚有演武廳旗鼓亭舊址

天堂山一名天塘在十五都真聖村有奇石高可六七尺旁一石似鼓每遇亢旱里人祈雨輒應

拔翠山在十五都大梳村其山四圍突岬聳翠千尋舊名大梳山又名石寨山知縣陳廷璠過此更其名曰拔翠

靈山在縣東南十八都靈山村壁立數百似挺秀參天四時雲霧不絕昔時搖患嘗設軍戍之登其峰北望可見縣治

筆架山在十八都太平村北五峰並峙如筆架

龍來山在十八都程教村聳立百餘丈怪石嶙峋自上至下有旱溝二闊數尺兩傍

亂石堆擁如龍巷相傳爲神龍經過之跡

銅鑄頂在十八都烏院村上有聖稷廟廟內一坎四時清水不竭遇旱之年鄉人祈雨皆集於此

牛嶺在十八都山形高峻蜿蜒數里爲蒼岑往來要衝有卡房建此

三霸山在十八都富羅村西

麒麟山在牛嶺界旁

石鵝嶺在筆架山旁形如雁蕩

立魁頂在縣東南二十五都高十餘里巖堯秀拔爲都內衆山之魁

石鼓山在二十五都三眼堡高百餘丈上有石形如鼓與立魁頂對峙爲義昌江上下流之屏障嘉慶甲子里人建文昌閣於其巔

石崖頂一名龍頭崖在義昌黃華兩江之間崔嵬突屹花鳥烟霞輝映四時不絕

松芬頂在義昌江距立魁山六七里高數百餘丈圓秀如墩



鵝飛頂自松芬頂迤邐而下過圍綿亘數里陰晦若游龍晴霽形如筆架相傳里人報賽田間有鵝未殺雨翅奮飛直抵其巔人以爲靈異所致故名此山

峙炎嶺橫亘高大山面彎環在二十五里東翰村明洪武間征剿安南曾設營其上圍塹基址猶存

鐵騎頂在二十五都義昌江西岸高插雲霄宛如玉笋瑤簪

伏獅嶺在老鴉佛壩

鳳凰嶺東極峻西稍下左右偃伏若兩翅春夏之交奇花異卉天然九苞之形義昌西岸諸山當以此爲名勝

都藏嶺在二十八都上堡界岑溪

探花山在二十八都上堡三峰卓立冬日積雪如銀一名三花山

食古山在二十八都界容縣與都藏對峙高亦相仿

三山在二十八都下堡三峰高聳形如三台

飛鳳山在二十八都起伏奇秀形如鳳飛旁有石巖可容五六十人巖內有石人石猪形狀宛似

石表山在三十一都賈家寨南一帶石山巖岫峻嶒屈曲十餘里有石巖明崇禎時秀才歐陽耿嘗讀書於其中又名歐秀巖石上留題詩句猶存

三節嶺在賈家寨東土山連疊每節高半里三節之上陡起尖峰高插雲霄人跡罕至名曰通天竹

集鵝嶺與通天竹相連穹窿千仞綿亘數里疊嶂迴環如雁蕩故以集鵝名之

勾刀山在三十一都賈家寨北一帶石山綿延六七里崎嶇險峻上連峭壁下接深

溪明萬歷初刻石爲梯磴南通容縣捷徑窘步行者難之古榜嶺在縣西百餘里

白藤山在三十四都峭拔崎嶇昔產白藤今無

虎跳山在三十四都其形如虎半山中兩旁綠石圓整似眼昂頭若跳躍狀故名

石人嶺在三十四都高百餘丈山中有石特起丈餘離山數尺其形如人俯瞰繡江

耳目手足俱備昔有宦遊覽勝者賦詩有天外落霞飛過去人人疑是白衣仙之句  
秀子峯在三十四都濱義昌黃華兩江之中高數百餘丈聳然挺秀週四十餘里形  
如大旗峯巔突岫青翠巖闊六七尺有大石三卷形如爐竈中有土其土最虛用小  
竹插之可下四五尺金雞山在三十四都綿亘臨江沿山皆石中有石隆起如雞相  
傳夜半嘗有雞鳴山上附近里人屢見之其色黃如金故名上有三界廟

魚子嶺在三十六都思便村

古仙嶺在三十六都思便村相傳有仙人對奕其中

山塘嶺在三十六都思便村石巔上有塘雖旱不涸

撥塘嶺在三十六都例山村

黃山嶺在三十六都覃村西北

象山在三十六都白坭塘山勢蹲踞形甚肖象故名

大燕山在縣西三十九都高千餘仞週六十餘里其西北諸峯徘徊相對下瞰長江

環繞如帶頂上一峯高於幔山登臨橫覽百餘里山川瞭然在目

羅幔山在縣西南三十九都堀頭甲內高千餘仞廣十餘里形如列幔夏有涼颺冬有積雪天陰微雨霧靄空濛山頂平坦寬闊有田數百餘頃鄉人來往耕種如入雲中東一石壁高三四丈長數十丈峭拔金嶽北一小水在半山灣出潺潺有聲下合石磧水灌溉田畝無數爲潘堀都榜慕秦諸水發源

石印山在三十九都峽口村有石笋數株高數十丈左邊獨立一峯上承石印一顆望之儼然

鴉髻山在三十九都堀頭村峯甚尖秀巔有巨石橫出三丈餘望之如髻

青山嶺在三十九都堀頭甲高二百餘丈峭壁巖巖奇尖可愛

主武嶺在三十九都堀頭甲層巒聳翠蔚然可觀山峽小河環繞其右

松山嶺在三十九都

大悲嶺在三十九都昔多苦竹今無

新蒲嶺在三十九都高數十丈長數百丈嶺半爲往來通衢絡繹不絕

石磨在三十九都羅慢嶺脚二石對立闊三尺許長三四丈高八九丈上有壩水流注下有深潭行人以石投之聲如金鼓

望君嶺在縣西南四十二都高數十丈土沃宜雜糧

古星嶺峯巒聳秀與望君嶺相對高亦相等

士彥嶺特立走馬灘後爲都厚都榜二處關鍵浪涼頭高數十丈爲平藤往來之路炎夏到此恍如風洞

銃嶺在縣西四十三都安城墟上高數百餘丈嶺後有巨石如磴上有石人對坐世傳爲仙人下棋處嶺上尖峯皆石挺秀異常有小路僅容一人盤旋屈曲可登其巔巔頗平坦可容數十人左右一望羣山皆小江水溱洄豁人心目山半有水源可灌數畝之田

金光嶺在四十三都安城汎里許高數十仞形如伏虎俯瞰鬱江蒼翠凌空煙雲起

伏下有金光廟

大水山在四十三都平羅村南高千餘仞過五十餘里罩平南大鳥里三分之二土沃耕者甚衆歲取雜糧無數

獨松嶺在四十三都孤松獨秀望之如蓋行人往來多憩息於此

石柱嶺在四十三都其山有石屹立如柱

識鳩嶺在四十三都思盧村東北

牛毛嶺在四十三都羅密村西北爲平藤界

大碑山在四十三都羅平村東連三十九都過七八十里其土宜烟薑薯芋里人多

畊於此

大形嶺在四十三都冷水村過二十餘里其嶺有井經冬不涸

大帽嶺在四十三都黃棠村北與大形嶺相對上有巨石叩之如鐘

佛修山在四十七都大任里與昭平縣界高數百丈前人豎十二石於上刊刻靈應

大王四字里人每值年歲亢旱輒往禱雨時得甘霖

瑣嶺山在大任里兩岸石壁嶙峋泉水從中屈曲而出中有一潭明淨如鏡旁一巖深廣丈許巖前石板有人足馬蹄之跡相傳爲仙客遺踪洞口石壁高數十丈飛泉如瀑潺潺之聲聞數里

七星嶺在三江里獅子山之北其山全石其形如笋卓立三百餘丈直矗雲中故俗又呼爲通天燭中有二巖左廣平衍縱橫可三四丈右窄傾斜縱橫可丈餘其巖石形如交椅其中有土旁產小竹大如筆管色如黃丹陟其巔一覽衆山形類伏虎遙望大江淨如疋練山前約百步有六石聯壁而生高與此山相半其下有巖可容二十餘人巖中有小徑嵌崎屈曲從石中盤旋斜行直穿山頂其上山花野果四時不絕因前有六石與此山而七故號爲七星

獅兒山在三江里新福村峭壁凌霄高逾數百丈鄉人重九之日多登高於此

犀牛嶺在五十二都隨化上里高數百丈每當晴日有泉飛流似瀑非瀑瀉出於半

空之中人稱爲犀峯旱瀑

鵬母嶺在隨化里東南爲蒼藤交界之地有路二一通武屯小埠一通四涪江其嶺起訖百里有奇中無居人亦無勺水行旅至此憩息維艱

塔甕嶺在隨化里西與犀牛嶺對峙綿延數十里有奇與大任里交界

旗槍山在隨化里西南中峽

高山嶺在隨化里鎮化峽外

螺山頂在隨化里

鷄籠嶺在隨化下里古灣村高百餘丈十里外望之如在目前林木森秀四時皆同半山有岩深廣八九尺可容十餘人樵採多憩於此山巔二石其形一似雞一似犬相傳旱荒之歲往往夜聞雞鳴狗吠之聲

担米嶺在隨化下里蒙榔村北兩石對峙如門上有石花臺大可四五尺

佛階山在隨化下里古麗村一峯峭立登其巔遙見鬱江之水



石勞峯在五十八都大黎里大坳高崖挺秀雁集猿啼世傳上有仙蹟俗呼爲雁旋峯

君子嶺在二十二都綠雲村尖峯秀拔上逼雲霞石澗飛泉幽篁弄笛文人覽勝者往往流連不能去

佛子嶺在二十二都葉村山下小寺有銅佛一尊古傳自粵東飛來東人接回而復來者數四因名其山以志異

蟠龍嶺在縣南五里盤旋起伏夭矯如龍

勸額嶺在縣西南五里峻嶺崎嶇上有大路直通平南容岑三縣

高嶺在縣西南七里峯巒聳翠登高一望城市人家歷歷可數

大頂山又名鐵頂在縣西十里山勢峻卓俯臨劍水之濱

小娘山在三十四都富竹村高五六百丈山巔有二石人望之宛然山中多產異草山後數百步怪石巉巖中有小洞可通人俗呼爲大小穿門半里許屹起石峯二崖

崑崙拔直如桂嶺移來

黃鳥山在三十六都黃鑿村峯巒屹峙山巔有神壇舊址壇外有石如鼓每值陰雨時鼓聲響應里許

古茅山在三十六都思便村

雞冠崖在四十六都山形峭拔狀若雞冠朝霞未散望之如畫

德靈崖在四十六都山極高峻與雞冠崖對峙中爲屯江

鹿伏嶺在三十都高百餘丈綿亘十餘里中爲鶴仙頂多古松盤屈石上其山之南竇家司竇公之墓在焉

白沙嶺在縣北對江四十一都白沙庄後吳氏宗祠建於巔

螺山在縣西四十九都二江下里五屯城南形如螺

仙果山在五屯城東山前數小峯排列如果山後壁立千仞下有方石濶丈餘刻字數行大如拳人不能識最高一峯有石階級或以爲仙人居云

石甑山在五屯城西山巔有石如甑時有雲霞上蒸

蓮花山在五屯城北羣峰羅列高聳入雲狀類蓮花

雞籠崖在五屯城西山若騰霧必需霖霖時人以之占晴雨

水月巖在縣南山之麓旁臨曲澗水光月白時最爲清絕

李白巖在縣東四十餘里赤水峽詳古蹟

江月巖在縣南四十餘里二十八都石鼓山之麓洞口澗廣數丈洞中岩穴相連羣

燕常聚其中遊者必引火以入始探其勝土人謂之石屋

地鼓坳在縣西五里許兩山相峙各高數十丈中開一徑僅容單騎行人以足踏之

其聲似鼓藤江會涿水合繡江（郝志）江在城東北黔鬱水合流逕此有龍潭灣

甚深濶亦謂之鐔津舊縣以此名江流入縣界亦謂之潭江挾蒙繡諸川並流入蒼

梧縣界一名瀾江又名劍江邑志自縣至郡城陸程八十里水程百二十里蓋江流

屈曲也（方輿紀要）宋紹聖間黃門蘇轍謫授化州別駕其兄軾亦徙儋州相遇

於藤作詩倡和即此處也（名勝志）江自平南縣白馬塘入藤縣境爲藤江至縣西六十五里合濛江復東流逕縣城北過龍灣繞城東與繡江合又東南入蒼梧境（一統志）

水道提綱劍江自縣城東會南來北流容縣岑溪三縣之水至縣北來會其上源曰崑崙水出北流縣東南與廣東界之峨石山雙威山北流數十里合東來一溪又北合西南來簫韶山水又東北流折而西北有西崑崙水自西南合西金坊山水東北流來會又北流受東來一水折西北流受西來登高山水又北流逕天塘山西麓折西北流逕黃箭山北麓至縣東南境曰沿龍江折東北流又正北至縣東有縣南溪西自城南合東一水來會卽獅子巖水也又北逕靈臺山西麓受西北來一水又東北曰沿龍江口又東北至容縣西南境有綠藍水自北金牛嶺南流來會又東北逕容縣城東南有天塘山水自南而北逕石羊山溫泉之東曲曲百數十里來會稍北有水自東北來逕城東而南來注之又東北有南渡江自南

大山合二溪逕石梯山疊平山鳳凰山將軍山北流受東來通天嶺水又北至南渡司之東受東北一水折西南流逕司南又西南逕李村及六王司南有六洞司水南自石梯西麓合數水北流折而東北來會折西北流入劍江至此曰思登河又東北流分爲二派一正北流逕山來嶺下至竇家司東勾刀山西折而東北有繡江西南自大榕山摩雲嶺東北流來會又東北至都榜嶺南麓一東流逕獨竹嶺下數十里至岑溪縣西境有龍底江二源一自縣東與廣東界山西流曰龍潭合南北二水一自縣南鳳凰山東麓北流合東一水西逕城南而西稍北來會又北流逕勾刀山東麓曰皇華江又東北有義昌江東南自腰鵝嶺及周公山水西流逕羅洞墟北黃塘村南而西來會又北至都榜嶺南二派復合又東北流數十里逕藤志南境折正北曲曲流曰劍江又北逕城東而北折稍西入潯江此水自崑崙水源至此六百餘里亦巨川也

繡江縣東南一名北流江源出廣東高州流入府境逕北流縣始通舟楫由容縣

逕寶家寨至縣城東入於藤江志云繡江流入縣境有石城灘江中隱石橫截如城也距城四十里有中窰灘以石嶼屹立中流江分兩派數里復合舟行逕此冬天水涸最爲險阻（方輿紀異）自鬱林州北流縣流逕容縣南名容江又東北逕藤縣東南爲繡江舊志源出高涼峨石山逕北流綠藍山東南流入容縣境至縣西接思賀江流逕縣西南接涓龍江繞城漸折而北接思登江滙波羅江北流入藤縣境逕寶家寨接思羅江水復北流滙潘洞皇華義昌諸水直入藤江（一統志）

黃桶江在縣東五里（方輿紀要）源出濛吉村至瓦窰流入藤江

四涪江縣北岸東七里源出蒼梧鴨母山至彌洲尾入藤江四江東北出李白巖兩水合西南流又合一北來水又西南折而南逕登禹山東麓又東南流入潯江（水道提綱）

慕寮江縣西十五里源出羅幔嶺分二流流二十里而復合入於藤江（方輿紀要）

源出羅馱山（郝志）

下相江縣東十二里北出四安山流至登洲尾入藤江

白石江縣東三十里源出靈山流逕江口下入藤江

潘洞江縣南五十里源出羅幔嶺（方輿紀要）至嶺頭村入繡江

思羅江在潘洞江南十餘里源出容縣大容山（方輿紀要）逕寶家寨入繡江（府志）

都榜江在慕寮江西五十里源出羅屏山至黃丹驛入藤江

濛江縣西六十里其源左出於永安古蒙州曰永安江右出於平南大同里曰大同江二水分流各百餘里至楊峒里三江口始合自此約流五十餘里至太平墟與勒竹江滙合注於五屯所東曰屯江又約流八十餘里經和平墟至安城墟以其發源於古蒙州又曰濛江南入於鬱江

牛皮江在濛江西十里其源發於隨化上里左出大稜山右出八石河二小水分流五六里至峽口始合自此約流三十餘里經崑崙灘至下里逢村與思綠新村諸水

滙至古灣村其水漸大始通舟楫又約流二十餘里經龍潭至大塘村與古麗王坡諸水滙又約二十餘里經龍底至三江里與山口思綠諸水滙又約流四十餘里至牛皮墟東南入於濛江合流於鬱江勒竹在太平墟北其源於大任里峯門大寨山至勾潭始通舟楫約流百餘里至太平墟入於濛江

大黎江其源出於大黎壩可通小舟至龍住江入於大同江合流於濛江

義昌江在縣東南一百里自三眼堡水分左右其右頗大源接岑溪舟楫通行止大礮底下經天鵝島立魁灘長漏灘北梨灣蓮塘埤石墳灣河頭埤三十餘里旋繞到三眼堡三合嘴左水略小小船止通黎山口其源南接二十二都上里綠雲岑溪界又南接二十一都石人根子界二小水合流十里至糯垌墟東接十八都牛嶺蒼梧界又源東接十五都古靈界二小水合流三十餘里至糯垌墟東南合流大地梨山大社陶村三十餘里至三眼堡三合嘴合右江滙流而水勢波瀾益闊灘流洶湧下經河村灘幹壩灘灣溜魚梁灘蠟坳口城木樞灘撥馬灘合掌石河陸小姨灘椰壩



灘染槓灘平埔牛皮灘直順流經三十四都義昌口三十餘里入繡江皇華江其源接廣東高州信宜縣經岑溪南渡羅沒水口交藤界流抵綠篤木洪古營坡塘雙門羊額灘勒槓灘三摺灘二十八都都目灣杜蕨灘光埔水口波流洶湧直奔三十一都桃源洞平潯原崇皇華口共四十餘里入繡江

水定河在十五都發源於賜禮山與龍溪河合流至七都白石江口

龍溪河在十五都發源於靈山與水定夾繞真聖村合流至七都白石江口

富壽河在十五都發源於天堂山旋繞深堂流至老鴉塘北流江口

石馬河在十八都烏院東村二水合流一由靈山發源一由筆架山發源

合水河在二十八都其源出探花都蕨二山行數里有石壁夾岸懸崖瀉瀑宛如白練音響清徹經大村左合菜埔水行二里許過接龍橋合密灑又二里許合密埔水又八九里出犀牛峽直至皇華江羊額灘合流

江埔河源出二十八都富裕山迤延數十里至皇華江大光灘合流

古凍河其源出二十八都大礮飛鳳等壩至皇華江大榔灘上合流

壩頭河在三十九都一自平藤界大水山發源一自四十三都石狗嶺發源羅平村合羅幔嶺脚諸水過芳坳村會山礮河東北順流越墾坡大田河口諸村復會萬力河通佛子村合都榜江會於鬱江

黃壩河在三十九都羅幔山下其沙石金鄉人不時往淘

路壩河在四十二都自望君嶺發源經大嶺岑壩由河村出新福村合流大江

合水河在四十三都北岸二水合流一自白村義良發源一自大社良腹發源至合

水村合流一水流鬱江

迴龍洲在縣東八里望之若水面印

燒紙洲在迴龍洲東北

襍洲在縣東十五里大江中居民繁衍

托洲在襍洲東二十里赤水上游

登洲在縣二十里鬱江中有居民

大樓洲在太平墟南渡口內有上中下諸村

思禮洲在縣西四十里居民半資園蔬

泗洲在縣西五十里居民樹畜頗盛

黨洲在縣八十里週園林木蒼翠居民樹藝其中

黃駝洲在黨洲旁中有岡巒林樹居民耕種頗繁

潑馬洲在縣南九十里義昌江

羅傘洲在縣南八十里繡江中

將軍灘在通津門外

潭寺角在縣南二十餘里潭深無底澄泓如鑑春夏水漲其勢湍激浪湧半江上有

三寶寺

石爐角在縣西五十餘里石壁峭立如爐江水湍急舟行頗難

乳石在縣北對江四十一都白沙溪邊石方丈餘質極光潔內有數十乳狀如人乳大小不等

龍巷石在縣西北江中壘壁崢嶸中虛若巷者九潤丈餘兩旁石齒縱橫苔痕綠其形如龍鱗然巧力不能成也世傳蒼龍嘗臥於此冬月水涸遊人爭詣觀焉爲藤州八景之一曰龍巷露臺

蛤石在縣西二十里有雌雄二石相向其狀類蛤雄者在江中有昂手躍足之勢雌者在江畔有屈身睨視之形大皆十數圍春夏水漲每逢陰雨之夕舟人時聞蛤聲合掌石在縣南義昌江中兩石並峙中空一線如合掌然

石牛瀧在縣東三十餘里白石江伏流處約里許巨石磊落泉水奔騰若雷鳴然  
濮口石在縣西南八十餘里狗尾澗西數里許水落石出舟行爲難

鴨兒灘在將軍灘南五里秋冬水落瀾漫之聲與北風相應爲藤州八景之一曰鴨灘霜籟元麥激有詩

三門灘在縣南十餘里灘中有石分爲三門故名犁轆灘在三門灘上三里許

都木峽在縣南七十餘里皇華江內江潦瀑漲中湧劍脊舟行甚難

大浪灘在穿窰灘上五里波濤洶湧聲聞數里

牛馬灘在縣西牛皮江上三里石限洲旁秋冬水小重舟必須過駁

大洲灘在牛馬灘上四里大洲旁

龍骨灘在縣西五十里泗洲上

走馬灘在縣西南都榜江口亂石橫亘冬月水落深僅三四尺許舟重至此分載上

灘相傳可以馬渡故名

高灘在太平墟北十里其灘水高三尺餘湍急奔騰上舟甚苦

密灑水在二十八都源出都藤山之右至鎮瀾閣會合水河

茶壩水源出二十八都佛子嶺至大村與合水河合流

渡水口在四十三都白馬墟下五里大江之南其源發自白石嶺之東及獅子嶺之

北歷上洞羅喚牛寮羅蓋勒竹都印洲村水曰八村每漲時舟可通都印勒竹諸村  
凡都人往來舟行胥由此焉

龍潭灣在縣治正北江中亦曰鐔潭潭深無際水落石出人踐之足音下應時或水  
湧頃刻數丈泛濫波濤移時復平世傳其下有臥龍

牛灣在縣南三十里江水滌洞澄清如鏡

車旋灣在縣西南九十餘里十二磯上春夏水漲北岸之水順流而下南岸之水逆  
激而上中央之水旋轉如仰釜然水愈漲則旋愈大昔人以其勢險北岸建廟以鎮  
之樟木灣在縣西七十餘里牛皮江口旁有一穴空深無際恒產鯉魚味異常鯉

虎跳磯在縣西四十里泗洲下激水甚急

白鳩磯在縣西五十里虎跳磯上泗洲旁春夏水漲上舟頗難

大澗在縣東十餘里襍洲右江水洶湧旋轉如螺頗爲舟楫之患

狗尾澗在縣西南八十餘里小黨洲頭江水旋轉如螺行舟過此宜小心

龍巷磧在二十二都義昌江小水之中河濶十餘丈兩旁怪石相連茂林修竹掩映河湄中有石磯秋冬之際水濶僅三四尺水色澄清急流之勢如龍蟠然

魚盤石在九都赤水峽有石盤原載雙石魚相傳元時被洋賈鑿去一魚今盤中尚存其一春夏水漲江鱗羣聚

桂花井在縣西門外西澗坊

玉泉井在縣西南隅廂詳古蹟

石壘井在縣西興賢坊味甘美

南泉井在迎恩門外地甚卑下而味不變今名硃砂井詳古蹟

桂山井在縣東二里富壽坊泉自石竇流出色白味甘釀酒異於他水又名清涼井

桂花井在縣東五十餘里九都赤水攀桂坊山下

陶泉井在縣南六十里三十四都陶垌村山峽旁有井水四時常溢極旱無異其色

白其氣清其味甘行人濟渴雖飽飲無恙

四方井城西城濠下

橋梁

永安橋一名西橋卽永安門之吊橋也洪武八年耆民犁達可建成化十二年典史劉晏率民重建上構亭三間今橋圯濠淤

南橋在城南藤江驛右唐劉從率士民耆老爲同榜進士李堯臣建名登俊洪武間耆民李可忠等重建嘉靖間坊人士復建上覆以亭亦名新橋天啓間知縣曾鳳彩重修

山雲橋在城南水月岩前洪武六年同知金文仲建洪治三年耆民李尙實等重修  
甃以巨石上用石欄甚稱鞏固乾隆年間重修

流盃橋在水東上得雋坊蓮塘之地詳古蹟

一水橋在城東十五里成化間建

攀桂橋在縣東赤水鎮詳古蹟



通濟橋在縣東六十里正統間建

文瀾橋在縣南二十里黃鑿村舊有亭今圯

黃沙橋在文瀾橋三十里當容縣孔道

嶽步橋去流盃橋五里詳古蹟

雙橋在縣西二十橋雙魚洞通平南縣

太和橋在縣西三十里洪武間同知金文仲建

老石橋在三江下里五屯城北明末里人韋仁建

國朝韋天祿韋敬重修乾隆乙酉嘉慶丙子等年衆紳士又復重修

裔昌橋在羅龍里竹井灘乾隆庚子年里人韋勳創建後圯戊申年勳又重修本石

鞏旋毀易以木其子業編復甃以石

大橋在羅龍里姚村北通和平墟往來之路上有觀音寺祀大士神因寺近橋又名

大橋寺今圯基址尙存

大心橋土名畧碑河離大橋半里二橋相連如雙虹然

石橋在和平墟南嘉慶乙丑年建上有北帝廟

長敢橋在三江下里老石橋北乾隆己卯年建

大勝橋在東皇里嘉慶甲子年吳建琳建

巢坳橋在三十二都嘉慶年間建

木格橋在三十二都陳涌藤容通衢嘉慶年間重修

水定橋在十五都真聖村藤岑通衢乾隆三十六年盧廣楊黃煥中等建嘉慶十九

年盧炳文黃耀瑒等重修

永豐總橋在十五都真聖村里人李子和盧炳文等建

深堂石橋在十五都一在通峽一在墘蕩口爲藤岑通衢里人李植英庠生覃朝偉等建

迴龍橋在四十三都大塘村原陰橋嘉慶八年里人李維第何敬君等倡修甃以磚

龕口橋在二十五都龕口村

孔壘橋在二十五都東翰村北

太平橋在二十五都蓮塘村北舊名砂繪橋用木易圯乾隆年間邑侯邱堂弭盜弊肅鄉里四民安枕里人鍾振綱鍾明憲等倡議創建石橋以永傳其事因名太平邑拔貢霍士埏有記

灣角橋在二十五都三眼堡西岸嘉慶十四年下大遞米園兩村紳士同建

利涉橋在二十五都黨子村向係木橋嘉慶十六年監生鍾毓嵩偕姪淮建

平坡橋在十八都邑人陳漢懷建

古引橋在十八都邑人陳漢懷建

獅子橋在十八都邑人陳漢懷建

品縣橋在十八都邑人陳漢懷建

望河橋在十八都邑人陳漢懷建嘉慶十三年重修

羅蝶橋在十都白土登以磚石爲都右通衢

玉泉附鳳橋在十都寺面村跨河鞏石爲都左通衢

谷塘橋在鐔津舊治東門

英台橋在大任里大村甲水口鞏石

佛殿橋在大任里沐河甲水口東通昭平西達平南爲一里通津乾隆辛酉年里人州同潘時遇捐建板橋以濟行旅嘉慶辛酉年潘昭榮潘嗣明等重修復鞏以石往來無病涉焉

德勝橋在四十八都太平墟左州同黃必成建今圯

古帝橋在勾刀山下前明以來路極狹嘉慶二十年楊上瑤捐資開鑿廣三尺架以石橋往來行人利焉

街排橋在竇家八里乾隆年建

竇家通濟橋在竇家寨市南乾隆年建

二都大橋在富安村北，磚石鞏，成長五十餘丈，乾隆三十五年建。

石橋在三都老雅峽古篤口，乾隆年建。

拉玉橋在四十三都冷水村西，爲梧潯通道，昔甃磚石，今圯。

接龍橋在上堡，乾隆六年霍貴蘇紹通倡修，二十八年霍賙陳聖華重修，嘉慶甲子年被水冲毀，辛未年霍宏佳嚴可正等重修。

太平橋在襴洲，今圯。

古木橋在四十三都，木橋，今圯。

丁口橋在隨化里東，舊皆略約，以渡里人黃姓易以長石。

隨化迴龍橋在古龍市外里，人黃登選建，其孫元梁重修，鞏以石。

佛仙橋在隨化里西南，向係木橋，易圯，里人莫張捐資，甃以磚石。

通運橋在隨化下里，逢村康熙年間，里人黃登選倡建，南通牛皮墟，濠江口。

馬脚橋縣西南五十里，在太乙嶺之南，爲蒼藤容鬱往來路，舊用板爲橋，乾隆四十

五年改用石

蕙蘭橋在馬脚橋上相去里許舊名樁老橋架木爲梁嘉慶七年改用石鞏更今名竹園塘橋往來通衢原用木杠乾隆年間里人捐資改建以石

陰橋舊名保昌在四十三都冷水村康熙四十二年修乾隆九年重修嘉慶十八年里人黎世德湯鼎銘等倡捐重修易以石柱

百子橋在三江里爲太平安城往來之路嘉慶甲戌年監生石洸捐建石橋

雙石橋在三江里祿提境內監生石澣貢生黃世輝創建

福壽橋在三江里祿提境內乾隆己酉年貢生石源創建

古德橋在三江里爲太平和平安城往來要津覃承賢架木爲梁嘉慶乙亥年貢生

石源覃闡松等偕衆建造鞏以石行人過此咸以爲福橋撥塘橋在三十六都撥塘村上通北流容縣

路埭橋在四十三都爲平藤往來之路乾隆丙午年唐璋建嘉慶九年里人簽捐重

修

甘陸橋在縣南七十里

甘村大橋闊八九尺長十餘丈俱用石結砌縣南七十里通道於容縣

柔武卡在探花都藏二山之間明末設鄉兵八名今廢旁有橋

津渡

浮金渡在縣通津門外渡繡江濟仁封孝義二鄉

白沙渡在縣永安門外渡鬱江通太平甯風二鄉

石人渡在縣南五里石人嶺下

三門渡一名公渡去石人渡五里

劉公渡去三門渡四十里

潘洞渡去劉公渡五十里

思羅渡在潘洞江南二十里二江之渡俱通容縣往來

慕寮渡在縣西十餘里

江口渡卽濛江口在安城墟三合嘴

牛皮渡在濛江西十里

石限渡在牛皮西五里石限洲

石嘴渡在石限洲西五里覃村

東津義渡在三江下里五屯城外

大樓渡在大任下里大樓洲

白馬渡縣西南一百里白馬墟外通平南往來

金鷄渡在三十四都金雞村

大坡渡在二十都濛茄口

歐村渡在二十五都清香村乾隆年間里內紳士公設

三村渡在二十五都東瀚老鴉村埠頭乾隆年間紳士同設



觀音渡在二十里都扶南村乾隆年間設

三眼堡渡在三合嘴大小水要津乾隆年間置有田畝

義昌江口渡在繡江邊大小水要路

波塘渡在二十五都波塘村

雙門渡在二十五都雙門長垌埠頭里人同設

都目渡在二十八都都目灣

原崇渡在二十八都平潯村

皇華江口渡在繡江邊大小水要轄

古蹟

浮金亭在縣東浮金渡頭山阜之上山勢高挺俯瞰繡江宋時建紹聖間蘇軾南遷嘗艤舟登焉賦詩其上元泰定間徙於東山下繡江之上費克忠有記明嘉靖間復建程文德記萬歷六年知縣陳雅言重修二十二年趙廷杞重修乾隆 年邑人

重修蘇秉正有記乾隆甲寅年邑人復建瀛臺於其上

光華亭在縣東南與浮金亭對峙秦少游嘗憩息於其上今圯

江月樓在城東橫街俯臨繡江宋紹聖間蘇軾登此有記秦少游嘗留題焉卽今之

東門樓

竹雨亭在縣治內右榕陰下崇禎十年知縣梁昌建南海歐光輝有記今東皂班亭

卽其舊址

南浦亭在縣東臨江

馬鞍亭在縣西卽軍閘敵樓亦行旅休息之處

鬱繡樓卽藤江驛樓洪武七年建以鬱江繡江之水合流於此因額之洪武間梁僉

憲行部登此以其四面蒼翠迴環復名爲環翠樓

古達酒亭在城南二十里村人構亭市酒過帘飄拂有山林幽致亭畔有窰傳聞有

鬼物往來椰榆鄉人其說甚駭實不然也今圯

流盃橋在水東街得雋坊爲仁封孝義二鄉之路以唐宣撫採訪使所失金盃於此流出得名秦觀有詩世傳蘇子瞻與子由游燕處元余觀有曲水分山陰興梁勝濠洧一脈見高風馴馬安足取之句成化六年邑人傳惟宗重建今圯

嶽步橋去流盃橋五里黃涌江之津梁也洪武間知縣馮善志建乾隆二十七年邑人龍章燦重建又復圯今冬橋夏渡

攀桂橋在縣東赤水鎮正統間砌以石以其近解元蘇昌傳鑑傳文溥之居因名玉泉井在城西南隅秦少游詩中有涵雲注玉之句蓋指此也

南泉井在迎恩門外地甚卑陷水汲經旬而味不變以其曾出硃砂又名硃砂井李白巖在縣東三十五里地名榕樹潭即赤峽也峽內岬起石峰高數十丈中虛一窟廣深二丈上有竅通日光世傳李白謫夜郎時嘗讀書於此岩前建廣惠寺

魚影石在縣大堂前方廣二尺許精瑩如玉以水揩之魚蝦水草之形畢現藤產青魚其胆可治眼魚人得魚必攜至此剖之胆方合用

二女墓在東山下宋秦少游謫於藤葬其二女於此

三元坊在城北大街爲宋三元馮京立今廢頽

登俊坊在迎恩門外爲唐進士李堯臣立今廢頽

世科坊在橫街爲舉人黃綸立今廢頽

進士坊一在迎恩門內爲萬祥立一在橫街爲黃聚立今俱廢頽

父子解元坊在縣署左爲傅鑑傅文溥立

多繡坊在通津門內爲御史萬祥立

得雋坊在水東街洪武初同知金文仲訪文簡公後裔馮士聰立今頽

四御史坊在城隍廟旁爲楊善安黃賢相萬祥喻漢立今廢頽

聚奎坊在永安門外爲胡如孟黃好善吳學會立嘉慶二年重修

叔姪祭酒坊萬歷二十三年知縣林茂箴爲宋祭酒李用謙李奉政立今頽

宋祭酒李奉政墓在縣南二十里白石江西岸石獸尙存

祭酒李用謙墓在縣東古粒舖石獸尙存嘉慶十二年里人建新聖廟於其旁

元吏部尙書普顏帖木兒墓在谷山之右登競村按洪武元年征南將軍廖永忠帥師取廣西兵抵梧州進逼藤州時尙書經畧南方軍務以張翔爲副使至藤州聞梧州路達魯花赤拜任藤州知州吳鏞皆降尙書募兵欲爲恢復莫有應者追兵旣急度勢不可爲抽矢連斃十餘人心力已竭登陸自刎時夏六月二十七日也天氣炎熱尙書顏色如生里人遂葬於登競之原

明孝子余全墓在城南鴨兒洲

唐刺史李堯臣墓在縣南一里葛陂嶺

唐容州節度使墓在縣南五十里大墳村古塚猶存殘碑莫辨山下有鉄船洲

明御史萬祥墓在南山之陰

明副使喻漢墓在南山之陰與萬御史墓相距三十餘步

明鄉賢霍榮墓在三十四都洲地村

明孝友陳乾墓在三都白沙村龍珠嶺

明節婦龍氏墓在縣西蓮洞村墓雖土封風雨不毀此節烈之驗

卷之四  
輿地志

(百三二)

藤縣志卷之五

輿地志 風俗 物產

風俗

圖經曰良材秀民好學者多

隋志曰里人質直尚信士大夫貴節尚氣

通志曰習尚簡樸器用無華飯豆羹魚有陂池川澤之饒

蔡條鐵圍山叢談云俗尚淳古且多長年

舊志曰地廣民稀俗尚簡樸務本者多逐末者少衣冠制度與中州並美

舊郡志云土重廉恥崇學術宦遊者慕清修林居者謹于謁居室惟蔽風雨或編竹  
葺茅樸茂不異齊民器無巧技蓄於居財歲時不競奢侈冠婚喪祭循遵典禮惟士  
大夫行之而喪用浮屠病事巫祝在尋常有所不免民之近山者樵近水者漁不營  
商賈家鮮蓋藏村落婦女昔多樵髻今漸改素粧矣



四禮古冠禮藤邑亦間有行之者率簡略從事臨娶而始冠婚禮用檳榔蒟蒻齋豬羊之屬以當委會其義各有所取而尤以檳榔爲重親迎惟士大夫行之娶必以二十前後爲率喪禮用鼓樂祭用七至四十九日而止親戚誅奠主人報禮祭禮巨族或立祠堂買祭田以供祭祀僻壤村落亦有祖廳祀事歲時薦新惟清明則墓祭闔邑亦俱相仿方言音柔而直稍異粵東而近蘇白城郭街市多雜東人亦多東語如謂父曰爹東曰爸母曰娘東曰媽子曰兒東曰仔新婦曰新人東曰心抱姑舅曰君公爺家婆娘東曰大人公大人婆子女謂其祖父曰亞公祖母曰亞婆謂北人曰外江謂強橫曰蠻子遊戲曰則劇東曰了謂看戲曰體戲謂來曰來東曰黎謂取物曰取東曰邏謂卵曰蛋東曰春謂姻婭之使役曰親家郎呼顛曰廢謂持物曰捨東曰的數物之束曰一子二子烹物曰煮東曰脍謂多曰够少曰不够以手搓物曰挪以手覆物曰按以指爬物曰搨搬運曰搬東曰撻積腐穢曰攞擗謂人身污穢曰猥屐又曰阿糟裸體曰軀軀謂立曰企謂鬧新婦曰體新新婦獻脫履曰荷惠謂食曰喫

謂早飯喫朝謂午飯曰喫晏謂晚飯曰喫夜謂食饌曰食饋又曰喫菜謂煖鍋曰打邊爐粘詩藏謎曰打燈題以皮貫翎踢之曰踢燕放鳶曰放紙鷂凡此之類頗異中州餘亦可通

字音之異如之知枝支通志至志智通王黃通文民間通玉肉禱通營榮橫通賢焉弦通爲維遺通縣院通仁人通酒走通凡此之類皆同一音餘亦與中州無異

元旦夙興設香燭禮神拜祖及尊長鄉黨親友交賀酌以春酒彼此相酬

立春前一日廂民扮戲劇鼓吹迎土牛芒神於東郊彼此競觀多擲菽粟謂祈豐年消痘疹士大夫家設春餅春茶相邀曰賀春

十五日上元作燈會自初十至旣望張燈結綵放花炮扮戲劇笙歌之聲喧衢達旦親友宴會啖元宵曰賞燈

二月初二日鄉民祭社祈穀羣飲爲歡

清明插柳門楣前後一日取楓木葉漬米炊烏飯具牲醴掃墓少長集飲於墓所

三月三日上巳亦作烏米飯相餉

四月八日爲三寶佛誕士民用黃花漬米炊飯或烏飯米備香楮酒醴作佛誕會

五月五日端午懸艾於門飲菖蒲雄黃酒以角黍相餉兒女戴朱書以辟疫競渡龍

舟

六月六日曬衣服是月村落多有祈苗

七月七日曬書籍是夕設瓜果祀牛女名曰乞巧十五日中元前三日設位迎祖先

日進饌饜奠享如事生禮迄十四日焚冥衣楮財以送之謂送祖先於明日赴孟蘭

醮會

八月初二日城鄉皆祭祀報土功

十五日中秋置酒餚剖香柚剝新芋羣宴飲於月下謂之賞月各以月餅相餉

秋分日祭享先祖惟士大夫家行之

九月九日重陽登高飲酒兒童放紙鷂爲戲

十月朔爲寒衣節備冥衣香楮酒饌祭享先塋

十一月冬日祀祖先宴飲相慶間有以冬葉裹米粽謂之裹煮祀祖先饋親友

臘月二十四日爲小年夜亦曰小除以茶果蔴豆餠糖香燭祀灶神

除日掃屋宇換桃符貼春聯綵錢設酒醴祀祖先老少讌飲放爆竹圍爐達旦謂之

守歲

物產

穀之屬有粘稻秈稻糯稻皆粳也粳者更也革火故而納金新故曰更稻以遲穫者爲嘉穀得金氣全也粵地稻多早熟春分前秧小暑前穫名五月粘諺云小暑小取大暑大取皆早禾早禾既取再犁田種晚禾夏秧秋穫亦有十月穫者皆晚禾即吳都賦國稅再穫之稻郭義恭廣志南方地氣暑熱一歲田三穫故交州有三熟之米上農膏壤或間有之粘則有青粘赤粘白粘黃粘油粘交趾粘又有白銀粘桃花粘南甯粘六白粘四川粘秈則有香秈餘菴黃秈赤秈糯則有白糯紅糯蕉糯黑糯油

糯荔枝糯班鳩糯又有白銀粳烏牛粳香糯塔岡糯安南糯等名人以粘爲飯以糯爲酒崔氏古今注所謂稻之粘者爲粳是也其生畚田者爲山禾不俟水種惟賴雨露之養粒大而甘滑獠人多種於山近民亦多效之又十月種二月穫卽所謂一歲二田冬種春熟也

黍稷之屬有赤粱白粱青粱黃粱粟也嶺表少黍稷呂氏春秋曰飯之美者南海之秬秬黑黍也地近南海而秬黍鮮知其名而亦不知稷之爲粟只以粱稱之俗名稷曰明禾有高粱多生瘠土莖頗高而葉稀穗小又有穉似黍而穗異生三四枝若手指以其耐旱故可於高亢之地種之

麥之屬有大麥小麥蕎麥大曰牟小曰來吳中以大麥充食小麥作麪此地鮮大麥多小麥俗呼小麥曰大而呼蕎麥曰小所稱大麥實小麥耳麥兼四氣邑人冬種春收二月盡穫以春爲秋故其性熱不如桂麵爲良蕎或作藪荊葵也蕎麥見玉篇粒三陵白花黑殼小暑種十月收者味甘滑作温潤餅餌甚佳土人以給冬儲不糶於

市

菽之屬有早豆晚豆白豆黃豆黑豆多用作腐小黑豆宜作豉又有蠶豆豌豆赤豆諸種又有落花生蔓生莢結南人稱爲豆魁若豇豆扁豆之類雖亦以豆名實蔬品也

蕨之屬有脂蕨俗稱芝蕨胡蕨李存中云胡蕨卽今油蕨李時珍云胡蕨取油以白者爲佳若服食則以黑者爲佳

蔬之屬產於園圃者有芥菘卽白菜薺薺又名薺心菜孫思邈曰搗貼丹毒卽消花  
椒辣椒菝菝菹卽女菜莞蓼苦蕒羅蔔茼蒿藤菜一名紫果又名紫豆其葉可啖  
東坡詩云可以敵蕪羹生菜卽春菜杜詩春日春盤細生菜蒿苣似生菜而葉尖葱  
蒜薑韭芥藍薤俗名竈頭葉似韭而中空根如蒜枸杞一名雞骨菜芋卽蹲鴟有田  
芋嶺芋旱芋遲芋數種又有黃芋白芋黃佐會賦杞吠靈龍芋眩蹲鴟角豆龍爪豆  
刀豆蛾眉豆卽扁豆有紅白二種其藤經冬不枯至春初復於宿藤開花二三月卽

結寶

產於山者有薯山薯一名王延稗史云發深山邃谷而得重數十斤者味極甘香名玉枕薯番薯瘠土沙中最易生其種得自海外萬歷閩中始有之今揚越山地無不遍種糜菜初生似小兒拳採莖淪食取根作粉荒歲可以療飢范仲淹安撫江淮進民間所食烏味草乞宣示以抑奢侈烏味即蕨也木耳菌屬或曰即卷耳一名香蕈笋竹種不一近容產者名容笋味甘性寒

產於水者有芹本草芹有二種狄芹取根赤芹取莖蕪葉似柳而短小其莖中空性冷味甘瓊田以蕪爲之隨水上下曰浮田粵會賦樹茄後雍亦有種於園圃者能治野葛毒雀兒鵝腸鴨舌亦屬園蔬而佳處不及容縣金針菜有黃花白花皆野菜也荳芽椿芽蔬之別品又有東風菜陸地生莖赤和肉作羹味似酪香似蘭見王範廣州記蓋草之名菜者左思吳都賦草則東風扶留淵林注東風草出九真廣韻東字俗加草作葇

籬之屬有王瓜以先諸瓜而生故稱王月令孟夏之月王瓜生邑中二月卽上市瓠瓜瓠卽匏也詩八月斷壺註壺瓠也俗誤作葫蘆冬瓜南瓜一名番瓜又名飯瓜以其可代飯也西瓜產大樓洲者佳香瓜卽甜瓜苦瓜味苦解暑熱菜瓜絲瓜密甯瓜白金瓜春花夏實秋熟蒸晒浸酒能潤肺葫蘆茄隋煬帝名爲崑崙紫瓜又有白色者爲銀茄黃山谷詩珍蔬長帶色勝銀南方草木狀云交廣草木經冬不衰故蔬圃之中種茄有宿根至三四年者漸長枝幹成樹高六七尺其根燒灰可以煨香

果之屬木實者有荔枝上林賦答遼離枝南方離火之所出一曰麗枝臈蔓春花夏至而子赤生於木而成於火也粵東多嘉種自掛祿至狀元紅各擅美名不讓蒲陽之陳紫方紅而說者謂山枝遲熟在水枝之後水枝以黑葉爲上藤邑與蒼梧泗化洲最盛顧遲熟絳羅玉屑其美可儷廣南蔡君謨荔枝譜於閩產外獨紀火山一種載山在梧州藤之荔種分自火山龍眼自尉佗獻漢高帝始見西京雜記三都賦云旁撻龍目與荔枝皆成於火荔枝先熟龍眼繼之又得初秋之金故荔枝丹而龍眼



黃荔枝大而龍限心新語謂荔枝火之牡龍眼火之牝此論甚平東坡譬以蟬螬石蟹故當爲荔枝奴解嘲藤產龍眼夥於荔枝夏秋間傍水連村一望金翠耀目璀璨陸離亦奇觀也柑黃柑吳中名佛手柑嶺南月令所稱黃柑分指是也柚子最大其瓢有紅白兩種橘有火醜金密繡四種橙似橘而皮細色黃味甘香烈杜子美詩霜橙壓香橘凡皆厥包之珍也梅桃梨李棗栗榼柿石榴葡萄楊梅盧橘上林賦註粵呼枇杷爲盧橘橄欖一名味諫初嚼苦澁味回乃甘有白欖烏欖二種俗亦多種烏欖雜記烏欖一名木威子醜爲類曰欖鼓色如玫瑰土人刻其幹納以紅鹽則子落蘇詩紛紛青子落紅鹽人面子核似人面兩目鼻口皆具肉甘酸亦橄欖別種俗多醜以爲瓊仁絕美可點茶如梅花片木瓜與中州產迥別高柯大葉有二種一於葉間生長穗作花不實一於葉底附幹叢實毛傳楸木也實如小瓜酢可食詩人木瓜正是此種若中州所產味香而不可食者乃別種也黃皮果大如龍眼又名黃彈皮黃白而微毛瓢白如脂肪多核似荳味甘微酸樹如橄欖緣條開小白花夏末果熟蕉

子粵西多甘蕉叢高一二丈經冬常綠心抽一莖初如菌苞每放葉一層則綠莖環生綠莖如肥皂子三稜剖之如爛瓜味比密甯俗名棒槌蕉波羅密大者似冬瓜外膚礪似佛髻削其皮味極甘細片香甜可以釀酒正德間取種於天馬巖羊桃一曰五斂子又曰洋桃斂即稜也瓣五出似田家碌礪狀故俗亦有以碌礪名者有甘酸二種形似而味別能辟嵐瘴毒搗汁治蠱立效六旺即九層皮色黑其實如栗黏子一名逃軍糧味甜可食木蒲桃大樹叢生花茸似鬚無瓣實似蘋果香甜在殼殼厚半指核如彈子與殼不相屬搖之作響水邊多產之

其產水中者有蓮藕菱芡菰菰在田種者有葶薺甘蔗穆祝方輿勝覽云藤州土人沿江種甘蔗冬初壓汁作糖以淨器貯之醃以竹枝皆結霜曰蔗霜果屬又有卮字果象其形也作萬字非生食香甘一名蓬鬆子

木之屬有桂松栢槐椿榆楓桐梓樟柳桑柘櫟榕樹木之高大者莫盛於榕往往有數百年圍抱至數十人根株盤鬱枝葉茂密偃蓋垂陰連綿拂地嘗目之爲榕廈性

屬火外臃腫而中虛於象爲大腹之離榕容也常爲大廈以容人能庇風雨不但香  
可來鶴子可肥魚也縣中大堂前舊有二樹葱青鬱盤爲一邑之望各鄉落廟宇或  
河旁往往樹此楮卽穀也其實入藥皮可爲紙檉河柳也似楊赤色爾雅翼云天將  
雨檉先起氣應之故又名雨師烏柏苦楝櫻欄油桐冬青黃楊皂角黃梓又有紫荆  
赤榕俱產縣內深山堅緻可爲器具又相思木似槐似鑊梨斜鋸之有細花雲其樹  
多連理故名相思其子曰紅豆唐詩紅豆生南國此物最相思鑊梨卽鑊力一名石  
鹽一名鐵稜文理堅緻赤筋木材理堅緻葉繁皮白解之中有赤筋雞翅木白質黑  
章身似雞翅而多結瘻故又名瘻子木鐵樹幹葉皆紫黑葉似榴而長質理細厚遇  
丁卯年乃花花四瓣紫白色開累月不謝木棉高十餘丈大數抱枝柯一一對出排  
空攫孳勢如龍奮一名瓊枝正月發蕾似辛夷而厚作深紅金紅二色六瓣望之如  
億萬華燈燒空盡赤花可爲鳥窠常有紅翠桐花鳳之屬藏其中子大似欖椰五六  
月熟角裂中有棉飛空如雪然脆不堅韌可絮而不可織梳榔似欖欄而多節中虛

巨者徑二三尺幹長五六丈葉生於杪枝葉相比葉下有鬚花開成穗綠色子如青珠每一樹輒有青珠百餘條鬚多於葉珠又多於鬚子紅熟者連籩食之頗甜皮中有白粉曰桄榔麵木色似鐵梨而多綜紋珠暈又有鴨腳龍胆貓尾狗骨羊矢似椿而子多長莖垂之纍纍秋風春花二木產叢薄無大材秋風子似練春花葉似櫛皆細花春黃秋白微香土人採以作飯又有黃鬻木椴木牛耳靈水沙豬水躍等木朔木杉木茶木近來各鄉廣植繁盛人稠用闢起造多資於此焉

竹之屬有紫竹黃竹青篙竹白竹甜竹苦竹蒲竹筋竹佛肚竹勒竹披頭竹沙羅竹櫻竹一名桃枝竹虞衡志云生石上葉似櫻櫚大者可爲杖鳳尾竹羊角竹馬蹄竹葉大二指許節有鬚質堅實單竹質薄而柔土人常用以蓋茅舍麻竹一說卽單竹有花穰白穰之別白穰蔑脆可爲紙花穰蔑韌與白藤同功練以爲麻可織謂之竹練布籬大者選寸削之利如劍戟小者鋸羽爲箭其葉箬亦曰白葉葉甚密狀如葦可編籬落觀音竹其色紫瀟湘竹其紋斑柱竹一名澁勒勒刺也長芒密距枝皆五

出如雞足可蔽村砦東坡詩澀勒暗巒村篋筴竹俗名蕤竹竹質甚澁可礪指甲華陽國志云白葉竹一枝百葉有毒能傷人卽篋筴也人面竹節密而凸宛如人面人採爲拄杖見虞衡志鶴膝竹一名雞腿亦可作杖見嶺南雜記又有釣絲竹狀類蕤竹而枝極柔軟當風如細柳篙竹俗稱撐篙又有扶利貓兒羅漢牛杖諸竹大頭竹葉如蘆徑五六寸長者三四丈宜爲水梘卽廣志雲母大竹也又漢竹一節受一斛又有坭竹細而韌土人抽絲織席精密之至比於蘄簞

花之屬梅桃李梨已見果類木棉鐵樹已見木屬外此則有木樨石榴玉蘭辛夷紫微郁李臙梅瑞香茉莉合歡金鳳枝葉似合歡如花金鳳繡毬楊越多產之花皆白色有淺紅開久變藍翠者曰洋繡毬獨邑內繡毬色作猩紅樹如錦爛花開團簇整齊經半月許乃落瓣瓣落而絳艷如珠尙璀璨可觀葉比白花者更青葱有光扶桑一名福桑一名佛桑卽木槿丹色者名朱槿白者名白槿有黃紫色者皆千葉婀娜蓋麗木也紅者花開更大花上復作重臺一樹百千朶競放燒日蒸霞可比牡丹芍

藥自仲春開至冬中令人玩賞不盡山茶有大紅粉紅純白各種花皆千葉紅曰寶珠烜爛明艷可比扶桑而枝葉爛秀麗但鮮成大樹耳刺桐花如木筆高數丈開時爛若紅霞風吹色愈鮮好唐李郢送人之嶺南詩云刺桐花下莫淹留又嶺表有傅誦詩云一林赤玉琢玲瓏艷質由來愛着風日暮江天無暝色滿山霞作刺桐紅草本者有蘭菊葵護美人蕉比芭蕉葉小紅花成穗黑子如豆觀音蕉一名觀音蓮蕉名葉蓮名花也中心抽莖大瓣叢攢色鮮艷奪目可歷數月又有秋海棠春海棠山根水畔二三月即盛開有芙蓉又有木芙蓉歲久成樹千葉爛熳一日嬌容三變雞冠鳳仙金錢露花如紅錦白蟬剪春羅暹羅菊錦堂春即月月紅一名麗春木指甲似木樨色稍白薺蔔即梔子珍珠蘭一穗纍纍如魚子然一名魚子蘭穉黃織白花極香俗名雞爪蘭素馨藤本叢生花白如粟入夜愈香俗名狗牙映山紅即躑躅俗名龍船又有狗牙花即羊蹄鏤線梅夜來香萱花夾竹桃散蕩花天蒜草之屬有芎香草仙人掌人種於田畔以防牛踐種於牆頭以避火災扁厚有刺每

層數枝杈枒而生其汁入目使人失明一說仙人掌多依石壁而生其花形如鳳子  
生花下曰鳳粟味兼茨栗食之可以輕身延年一名千歲子郡志載藤又有狗肝冬  
藥又有九里香卽十里香名排草夏開細粉紫花乾之香如薜蘿種之成畦故曰千  
步草香聞十里

藤之屬蝟蛇藤廣州志云凡有蝟蛇處卽有此藤捕蛇者以藤圈牽之輒不敢動野  
聚藤綠樹木生花色白五六月子熟大如羹臠里民煮食其味甜酸扶留藤吳錄地  
里志藤綠木而生葉味辛可以食檳榔廣州記其花實卽蒟也可以爲醬異物志古  
黃灰牡礪灰也與扶留檳榔三物合食而後善也俗曰檳榔扶留可以忘憂亦曰華  
菱俗呼爲薑藤又有白藤黃藤膠藤紫藤葛藤并青香石礬雞屎馬黃白藤最利結  
束膠藤取其汁和沙土築之甚堅黃藤熬爲膏可充眼藥并有雞藤坭藤鹽藤可供  
耕犁雜用

藥之屬有薑黃蓬朮薄荷桑白皮高良薑種自高涼其子爲紅豆蔻紫蘇史君子荆

芥村仲澤蘭確砂礫確砂言其殼礫言其仁鮮爲砂礫乾爲砂仁地骨皮草豆蔻半  
夏天門冬鳳尾草鈎藤陳皮淡竹葉槐花山藥貫仲小茴香旱蓮柴胡豨薟花椒木  
鱉子常山葛根山梔香附石斛金銀花薏苡土茯苓益母草通草茱萸艾刺栝葉白  
芩苦葶藶澤瀉草麻威靈仙扁蓄巴豆牽牛鬱金烏藥百合蒼耳菖蒲接骨草卽牛  
膝又名四季花仙茅鶴虱補骨脂香薷天南星草決明一名青箱子蛇牀子槐角楓  
木子車前卽茅苳地榆何首烏黃藥金狗尾三蘂一名山奈錢貫草木磨根金櫻子  
又有石鍾乳凡石脈湧處乳狀融結下垂以桑柴煮之成粉白石莢唐書載藤州土  
貢朱砂石羊血瘵跌打損傷羅浮記云石羊色黑類人家羊而躡捷其角燒紙爲火  
罐能收頭風其皮作褥可愈筋骨疼痛黃精藥性賦云欲要長生長服黃精瑞草經  
云黃精一名黃芝隋時羊公服黃精法云芝草之精也金椹欖藤木葉大而尖面青  
邑背灰色生根底土中春夏間土人掘取狀似橄欖中白外黃曬乾治咽喉齒口等  
症亦解嵐瘴出小娘山者佳九里明作飲可解熱毒并治目疾澤蘭一名水香又名



都梁香根紫黑色二月生苗高二三尺莖幹青紫色四稜葉相對如薄荷微香

貨之屬有棉花棉布葛布黃麻布俗稱絡布葛藤苧麻青麻密糖薑藤薯梁降香唐書鉛出鍾津縣今無茶油梁簡文帝云南油俱滿西漆爭燃即所言南中茶子也藤邑茶遜岑溪而茶油則日盛石刀劍環玦天和郡志藤俗以青石爲刀劍如饒婦人亦以爲環玦以代珠玉今無又有竹紙紙之名不一火紙以丹竹爲之福紙以蒲竹爲之篔即藍草今俗多在山種之其利甚溥

畜之屬有牛馬犬羊本草出南方者深褐色黑脊白斑與鹿相近羆百粵風土記山瘠草稀頗不宜羊故吉凶之外少屠肆也豕特脂甚貓鵝雞鴨家成畜之

按宋紹興間廣西進馬十匹上留一匹餘付殿前司謂輔臣曰朕所留一匹不減代北廣西亦有此馬則馬之良者不必盡西北也西事珥謂官司民間所畜皆驚材祇充下乘惟諸土司之雄傑者不難購以重賞今土司皆服馴守分肆力於畜牧者蓋鮮猺獞之民僅以孳息爲利舊雖產馬而冀羣易空藤又水鄉民間所畜

不多也牛視馬爲蕃梧屬皆畜養典彙載明洪武四年二月命工部遣官往廣西買耕牛以給中原屯種之民今乾隆三十二年奉文解牛永昌中途多斃蓋水運則易陸行則難牛能任重不能致遠耳

禽之屬有鵲鶯燕練雀黃鸝瓦雀鶯鶯鸛鵲野鷄野鴨鷓鴣即翡翠也周書王會圖蒼梧以翡翠雄赤爲翡翠雌青爲翠語曰海南之翠出疆始珍杜詠桂林詩家家貢翠羽梧藤多產此鳥習見不以爲奇也白鷓一名白雉越裳貢白雉即此鷓鴣嶺南稱爲越客古詩云越鳥巢南枝鷓鴣飛必向南雖復東西廻翔而命詔之始必先南翥其志懷南也性甚畏寒日暖乃飛李商隱詩木棉花暖鷓鴣飛畫眉善鳴喜聞性同山鷓美食雕籠音者甚衆竹雞形如鷓鴣褐色斑文性好啼諺云家有竹雞啼白蟻化爲坭縣少白蟻音竹雞者亦少鷹鴉鴉杜鵑鴛鴦山鷓一名山鳥性好鳴亦喜鬪雉鵲鴝鵒哥鵲布穀鷓鴣水雞鷓鴣白頭翁斥鴳鷓鴣即桃蟲啄木紗帽雀伯勞鷓

按禽屬應以鴻雁爲首列雁非土產故節之

又有青雉狀如鴿青色喜食橄欖一名橄欖雉識者謂秋深東去春半西來鷓一名  
鷓鴣比翼鳥也秋風鳥沿江一帶直至蒼梧長洲俱有狀類麻雀而小相傳爲當秋  
八月魚秋化生者

獸之屬有虎豹鹿麋獐麋猩猩熊豺獾猿猴山羊即石羊野猪俗曰山猪箭猪俗  
曰勒猪即豪猪方輿勝覽豪猪身有棘刺能振發以禦人爲羣以害禾稼薯芋南靈  
志云其箭可簪木狗莫越集曰木狗生廣南左右江山上形如黑狗能登木其皮爲  
衣褥能運血氣元世祖有足疾取以爲袴人遂貴重之野狗即蠻犬方輿勝覽如獵  
狗警而獠諸蠻率携一犬自防盜莫敢近又有山馬似馬而有角毛似牛肉味美皮  
可爲臥具禦濕糖牛赤雅角若瓊玖用以爲甲鳩箭蛇鎗如涼雨之灑荷葉又潛牛  
出勾漏大江中鬱江亦有之西陽雜俎形似水牛每上岸鬪角軟還入水角堅復出  
即赤隄所謂州留鰻鱔也東粵曰潛牛西曰潛州留楚曰鰻鱔出澗與虎鬪角軟湛



表錄異云最宜爲鮓每炙以芭蕉隔火蓋慮脂滴火滅耳狀如小鮒魚味極美脊末尤佳玳瑁魚通志色如玳瑁斑文甚細鮪魚嶺表錄異魚如白魚而稍短尾不偃出清遠江東廣人得之多爲膾不腥而美諸魚無以過也岱魚出義昌黃華諸江中狀似青魚大而少骨刺如竹色青翠可愛鱗下間以朱點味似鰕魚爲廣南珍品三裂魚卽鱗魚土音梨曰來本產於海每於季春入江至秋而退凡初入江最美以鮮鱗出水色味絕佳塘虱魚各鄉俱有又有黃魴斑鰓食魚一名魚虎鱗俗名棍子鮪嘉魚似鮪而又有藍刀魚

介之屬有龜鱉鼈鰈鯉卽穿山甲甲入藥蟹蟊蜚螺蚌蜆蛤蚶天蝦天蛤隨雨而至人取鹵之不取亦化蓋爲海風攝至者

蟲之屬有野蠶田雞蠃斯蟋蟀清明前卽吟於堂堦下蜈蚣蟾蜍蛙蜂蟻螢蜘蛛蟬蝦蛉蜻蜒螳螂蛤蚧似壁虎而長大善鳴產榕樹者尤多蝙蝠蠍蝥壁虎蚱蜢蚋蚊蠅蠅蝻蛇以婦人衣投之則蟠可辟不祥膽入藥畏葛藤嶺表錄異云大者

長五六丈圍四五尺次者不過三四丈圍亦稱是身有斑文如錦又西陽雜俎其膽護身隨擊而聚取粟許置水上旋行極速者真又烏蛇浸酒可治風

### 附異產

葛仙米出勾漏草澤間采得曝乾仍漬以水可作羹入饌味甚鮮相傳爲葛稚川遺物本非穀屬而以象形故稱之以米今縣中亦間有之

黃獬尖鼻大尾毛黃黑色行則跳躍止則延頸而望善捕野獸自散溺於草木葉獸觸之無不立盲者黃獬據其頭攫食其目而去魏武帝於白狼山逢獅子忽有一獸如狸跳上獅子頭獅遂伏不敢起卽此獸耶

石蛤形似蟾蜍味甘美生深山窮谷泉石清涼處性智而譎常詐反白於溪邊野鷄見之誤以爲死啄之輒以四足包進頭亢水中俟雜處蠅蚋姑嘍乃伏其旁以食蠅蚋其機狡如此

### 附毒產

苦芴羊角紐斷腸草三草人食之立死苦芴之葉似茶花黃而小一葉八口腸如刀芴卽鈎吻及野葛之苗羊角紐葉綠結子如羊角食其葉腸卽斷一名苦蔓藤又名三跳藤皆斷腸草食之立斃解用羊血及糞水或蚰蛇膽速救乃濟

藤縣志卷之六

建置志總序

古先聖王之蒞治于安危常變之道無一不曲殫厥心聚其室廬卽懷攘竊姦宄之慮裕其口體卽存凶荒天札之虞故有民人焉必設險以守斯出治有憑有社稷焉必足國以時斯祭則受福此聖王所以先成民而後致力於神之術也藤自隋唐以來建造不二措置亦攸殊矣官斯土者爲繭絲乎爲保障乎躋公堂而理之儻儲其不竭不涸之源奠其有幹有年之土所謂至治馨香感于神明黍稷非馨明德惟馨者其在斯乎其在斯乎志建置



藤縣志卷之六

建置志 城池 公署 倉庫 壇廟

城池

縣城在大江南繡江東二水合流上有平原晉創立唐武德初始城之元至順三年知州文魁重砌週三百三十丈高一丈三尺明洪武十一年改州爲縣宣德間築土城東北樹柵天順四年寇毀五年巡撫葉盛委推官呂景融知縣熊善修築甃以磚石高二十尺週三千六百尺四隅建門東曰通津西曰永安南曰迎恩北曰拱辰各有樓高四十尺敵樓四座高門樓四之一鼓樓十有三座高敵樓三之一串樓三百六十間高視城成化二年寇陷都御史韓雍委知縣謝鉉增築自永安門南至迎恩門據險面勢即民間池沼爲溝塹深五尺許廣三丈有奇由南敵樓而東而北以抵西閣敵樓外襟鬱江內環民間廬舍以爲防衛隆慶五年署縣主簿沙一佩捐修葺萬歷四十一年大水西城樓壞東北城圯凡三十餘雉四十三年知縣李廷幹修葺萬

禎六年北城樓燬九年知縣梁昌重修易串樓改爲陽城規模壯麗

國朝康熙二十八年知縣宋旭修北門樓雍正元年知縣李文炎重建東南三門城樓今城高二丈闊七尺週三百六十丈壕口三百六十乾隆六十年知縣張濬修

### 五屯城

五屯千戶所在西甌之北當風門佛子諸巢西通府江北接荔浦原無城城自成化二年始時都御史韓雍平峽賊調桂林衛千戶李慶撫之置五屯所授福孫仲英爲土吏目世襲城市三百有十丈串樓二百九十九間東門二南西門各一皆有樓濠深一丈廣如之嘉靖八年總督王守仁拓其城以指揮王良輔爲督備分司編戶五里

國朝裁缺併糧入縣改爲白石寨巡檢駐劄

### 公署

縣署舊藤州治唐時建明洪武七年知州趙文重建景泰二年知縣唐禮修成化十

年知縣方俊修宏治十三年知縣廖大佐修正廳五間左右廊晷臺戒石亭儀門大門土地祠金銀庫縣丞主簿各有衙吏員各有公廨東賓館西圍圍俱大門內大門之外左旌善亭右申明亭外屏牆牆之外左德政門右厚生門規制俱備嘉靖末年知縣王宗子更庫樓以磚石稱鞏固焉

國朝康熙十一年知縣蒲珩重修照牆一座頭門外左傍有古藤州牌坊一座頭門一座三間儀門一座三間左有東角門一座右有西角門一座左傍土地祠二座櫃房一座東西兩廊吏書科房六座大堂一座三間大堂前東皂班亭一座西快班亭一座榕木一株右傍庫房一座左右兩傍門房二座二堂一座三間左右兩傍耳房二座二堂後住房一座三間左右兩傍耳房二座三堂一座三間左傍耳房一座右傍住房一座三間左右耳房二座右傍羣廳一座住房前花廳一座三間右傍耳房一座座廳前右羣房一座西書房一座三間書房前書房一座三間左傍羣廊一座二堂左傍土地祠一座住廚房二座四十八年知縣張純修大門儀門東西廊五十六年

知縣陳士修捐修大堂川堂雍正二年知縣李文炎修兩廊六房乾隆三十七年知

縣劉元鰲詳請領項修葺嘉慶十二年知縣陳廷璠詳請領項照舊修復

教諭署在學宮左側前大堂爲明倫堂

訓導署在學宮右側前大堂爲風雅堂

典史署在縣署左

國朝初移建縣前橫街乾隆四十三年典史易賡桂修嘉慶十四年典史周際隆又詳

請修

白石巡檢司廨在縣西六十里白石寨卽五屯所乾隆三十五年巡檢朱汝璉修五

十年巡檢吳應麟修嘉慶十四年巡檢陳傳培又詳請修

竇家寨巡檢司廨在縣南一百二十里竇家寨雍正五年移駐三眼堡乾隆四十一

年巡檢張榕修五十六年巡檢茹國曜修嘉慶十六年巡檢葉秀華又請修

分防城守署在迎恩門內

古藤州在河東勝概坊今之龍母廟卽其故址

鷺州唐武德初遷藤州置鷺州在縣治東五里得雋坊風土記云在廣法寺前

長恭縣在縣治七十里唐貞觀二年置屬鷺州轄尋省

感義縣在縣治西一百二十里隋開皇十九年置曰淳人唐武德七年改曰感義宋

開寶三年併入鐔津縣卽今之甯風鄉

義昌縣在縣治南百二十里晉置安沂唐至德二年改爲義昌宋開寶三年省入鐔

津卽今烏院村

甯風縣在縣治西一百里唐貞觀五年置宋開寶三年省入鐔津縣

鐔津縣在縣治北唐志初州治永平無鐔津晉曰天甯唐始曰鐔津通典云本漢猛

陵地明初省入藤州今爲城隍廟

藤州儒學今學嶺巔

鐔津縣儒學今富壽坊

布政司分司署在縣東成化九年燬

按察司分司署在縣署東今廢

鹽法道分司署在迎恩門內洪武七年建今廢

府館在縣署東宏治二年建今圯

楊洲巡檢司署在楊洲頭缺裁

周村巡檢司署在義昌鄉缺裁

驛面巡檢司署在義昌鄉驛面村缺裁

思羅巡檢司署在感義鄉思羅村缺裁

赤水巡檢司署在仁封鄉赤水鎮今裁

陰陽學署在城西洪武十年設今圯

醫學署在陰陽學署之左今廢

僧會司在河東廣法寺今圯

河泊所公廨在水東街孝通坊瀾江鎮卽其舊趾洪武八年設管轄蛋民五十八戶

萬歷初年裁

藤縣驛公廨在城南登俊坊今裁

黃丹驛公廨在白石寨今裁

金雞驛公廨在縣南賈家寨之下金雞村今裁

雙競驛公廨在雙競村去金雞不遠今裁

世襲守禦正副千戶署各一俱在五屯所洪武十二年建

守備署在五屯所嘉靖八年建

世襲指揮所署在五屯所成化二年建

土吏目在五屯所成化二年建

世襲百戶試百戶署各一俱在五屯所

以上守禦所俱明設今裁

倉庫

常年倉在縣署西卽廣儲倉

康熙五十五年知縣陳士修建倉廩三十二間後陸續修建至三十九間嘉慶八年知縣任質淳建南東南西北東北西四座八間遇有壞爛詳請動項修葺

縣社倉與常平倉並建

縣義倉附常平倉

寶家寨分設社倉在三眼堡糯峒墟二處

白石寨分設社倉在五屯所

庫一間在縣堂西康熙四十八年知縣張純修稅課局舊在迎恩門外今廢

惠民藥局今改爲養濟院在迎恩門外

壇廟

山川壇在城南三里龍驤山左洪武十一年建今建南關



社稷壇在城西二里隔小澗洪武十七年建萬歷二十年知縣林懋箴以道艱故遷於靈讚祠後官塘之左〔今建南關〕

厲壇在社稷壇西三十步知縣林懋箴同遷於官塘在社稷壇之後今社稷壇遷於南關而厲壇仍舊址

關帝廟在大街城隍廟左後爲三代公祠

城隍廟在縣治北鐔津縣舊址洪武十一年建萬歷二十二年知縣林懋箴增前五間三十八年主簿邱挺修崇禎六年知縣王鼎產率衆大修乾隆五十八年知縣謝克猷率紳士武庠陳舜道廩生李若桂照磨黎德暉等偕闔邑重修有記

先農壇在水東街

雷廟祀雷雨之神建於縣東十五里襍洲洪武間分建於城南南山之巔新官蒞任必先詔襍洲祖廟南山廟久圯今復建

忠烈廟在城南山雲橋祀唐衛國公李靖

靈讚廟在永安門外萬壽寺西洪武間建上樓下鞏祀唐英國公李世勣

按英國公未聞仕粵他邑皆無廟藤獨有之其由來不可考

華光廟在西門外西澗埔

伏波廟在縣東通津門外唐武德間建祀漢伏波將軍馬援

靈公廟在八賢祠後祀北府李靈公

八賢祠在縣西永安門外背南面江宋淳熙間建祀唐李靖李白宋之間蘇軾蘇轍

秦觀黃庭堅李光

按今八賢祠內并祀華光後座仍祀靈公乾隆十一年修顏爲二聖八賢總廟

嘉慶十八年永安門外紳士商民捐資重修國學陳鈴武生霍鉉灝等司其事

天后宮在北門樓香火最盛

東山祠在縣東浮金山之巔宋紹聖初建祀唐相李衛國公公布衣時憤隋亂上西

嶽書詞語激昂蓋其志奮欲有爲而咨之神明也後爲貴州行兵總管嘗手書刻於

石其書甚佳紹興丙寅秋七月右朝請郎知軍州事施珪移刻於祠（上西嶽書碑記今移在縣署二堂）

熙寧二年知南儀州彭慥修天順六年都御史葉公盛修有陳洙一記

賢宦祠在東門橫街

三界廟在浮金亭下

東嶽廟在迎恩門外養濟院之右洪武間建祀泰山之神嘉靖初雙建鳳山書院萬

歷十年里人復建今圯

德聖廟在浮金亭山下

武當宮在迎恩門外祀北帝

火神廟在縣前十字街

龍神廟在石人嶺下知縣邱堂祈雨率衆創建龍母廟在水東街勝概坊

按龍母嬴秦祖龍時之神也温姓或曰蒲姓二十一都筋竹村人參龍潭猶存

或曰一都水東街孝通坊人故其廟名孝通今考粵東肇慶府舊志及悅城孝通祖廟舊志咸以爲藤縣人則無論毓於何都其爲藤之神固可考核而無疑者然其墓獨在悅城何也父天瑞娶悅城梁氏生二女龍母其仲也少時每若望空應答言禍福無不奇中隨其母至悅城心喜其地欲以爲安厝所因默識之及歸於溪邊得石卵剖之出五物如守宮狀喜水母象漸長放之江遂去越數年鱗甲輝煌復來見母母知龍子之遠迎也別其父母曰兒當乘龍至悅城遂跨龍薄暮抵江口登岸得道五龍以風雷相護一夕地擁成墳人以爲異因立廟祀極顯應故至今香火獨盛云

文昌閣在縣北對河浮金亭之東嘉慶四年加封

崇祀三代春秋致祭牲牢其品秩與武廟並

按文昌閣原建學宮之右青烏家相陰陽觀流泉或以爲文星所宅未得其地乾隆己亥年都人士陳舜道李若桂劉配先蘇秉昆陳汝瑞蘇秉正各紳等偕

闕邑捐資遷建於浮金亭上倚東山臨繡水并以馮學博秉剛所設膏火稅業撥歸文昌閣以爲香火之資自是科名滋盛文運日隆嘉慶庚午年胡世揚胡世拔蘇世睿陳鑰蘇錫齡霍鉉鏗吳斯培等會集紳士加二層於三層之上另於橫街置買瓦舖一座以廣祭祀之費並將前撥香油塘業地業丈量弓口詳刻於石繼長增高有加無已藤之文教當必有進而累上者矣

萬壽寺在西門外靈讚祠之右原名壽佛寺萬歷二十九年邑人重建更名萬壽崇禎甲戌邑人重修其官廳及金剛神像皆知縣梁昌捐俸助成  
廣法寺在水東流杯橋右古鸞州舊址元建洪武間重修今圯  
水月閣在城南南山麓水月巖

藥王廟在永安門外西谷壩前座祀藥王後座祀痘神並金花聖母旁有土神石谷廟

天后宮在一都瓦窰村

大廟在二都富安村廟甚宏敞祀伏羲神農

天慶寺在二都富安村

文昌閣在大龍神嘴二村南山之巔乾隆五十九年建閣三層中祀文昌上祀奎星

石龍寺在三都田榔村南山之上嘉慶十二年重修祀三寶佛

三界廟在三都大龍村中鄉人飲射讀法皆集於此嘉慶四年重修

文昌閣在四都襍洲閣三層中祀文昌上祀奎星乾隆年間監生石玳致倡建

元天觀在襍洲創建不知所始

天福廟在三江里祀文昌里人朱棠等簽建

天后宮在襍洲尾祀天后因大湑水勢險阻行舟艱難里人建廟以鎮之由是水波

不驚舟行利焉崇覺寺在其旁

洄瀾寺在上八都洗村祀三寶諸佛爲都內衆村香火傍有明德祠

廣惠寺在九都赤水峽中明成化十七年舉人李孟莊等重修又名出米寺

雷廟在九都赤水鎮祀雷神內有鑿一柄非石非鉄昔時雷震某處遺落此物識者指爲雷霆鑿里人立廟以藏之

文昌閣一在十都塲南莫二山嘉慶元年建一在楊村尋繹塲嘉慶二年建

玉泉寺在寺面村舊名丁巖相傳萬歷年間諸佛像與鳧氏鐘浮河逆上止於寺面山之麓遂建寺於此以其溪水盤旋光瑩如玉故名曰玉泉乾隆四十三年重修

廻龍寺在十都外寨西嶺

真聖廟在十五都聖塘坡祀真武崇禎五年建嘉慶十三年重修

觀光閣在竇家寨故司署前祀文昌關帝觀音

廻瀾寺在竇家寨東大化村爲里人讀法之所

文昌閣在四十六都縣西一百三十里都波紫微山上嘉慶丁巳年建祀文昌奎星

姑蘇廟在太平墟心

靈風寺在太平墟東

水月宮在太平墟南

覃應廟在太平墟南祀武德將軍

總聖宮在三江里蒙藤村南前祀雷神后建玉皇閣乾隆甲寅武舉石持廣簽修

感應宮在三江里平山坳嘉慶壬申里人黃若寶簽修

三寶寺在三江里瓦窰村嘉慶丁卯重修

題會閣卽文昌閣在大任里大村甲峽口中祀文昌上祀奎星嘉慶戊辰里人潘昭

榮簽衆倡建

福善宮在大任里大勝村順治年間建乾隆丙午重修傍有觀音閣

光華寺在隨化里蒙榔村

龍山寺在隨化歐村乾隆丙申年建

龍殿寺在隨化里料村東

古龍大廟在古龍市



石勞廟在大黎皇

觀音閣在五屯所對河背山面江林木蒼翠

千戶廟在五屯城外祀武德將軍

魁星樓在二十五都扶南村峒面洲合祀三界新聖

三聖廟在十八都烏院村

聖塘廟在十八都富甯村

廻龍寺在二十二都都宦村祀三寶創自前明間鄉人隨時修葺

文昌閣在二十五都三眼堡三江會合石鼓山之巔嘉慶九年竇家司沈世泰貢生

李若桂廩生梁培生員鍾毓昂倡建梧州守王友蓮捐俸督學使祁墳記

龍母廟在三眼堡竇家司署前三合嘴歷代修建乾隆十八年貢生霍士型邑人鍾

明雲等重修詳龍母本傳

知州社在東岸村不知始自何時相傳有州官經過歿於此歲時顯應立祠祀之

鄧公廟在二十五都波塘村祀鄧公公岑邑羽士熄火顯靈封顯威伯

樓主廟祀覃才俊前朝平賊有功于民立廟新隆各村

六祖祠在腰古村祀唐慧能禪師今名寶林寺

文瀾閣在嶺頭村祀文昌奎星

思隆閣在三十六都思便村祀盤古諸神

雞籠廟在三十八都古達村祀土神

文昌廟在劍江北岸小洲上嘉慶十六年吳灼倡子弟遷建白沙庄東邑舉人陳鑰

爲之記

劉公廟在三十八都嘉慶二年重修

成公祠在谷山下祀成二省郡志成誤作程今改正詳方伎

北府廟在白沙村西康熙年間建祀真武靈公五相下嶺總廟在四十一都下嶺村

仙來廟在大地村相傳神像自來里人因建廟祀之故顏曰仙來

文昌閣在四十三都冷水村閣三層上祀文昌下祀三界諸神嘉慶三年里人黎世德湯雲龍等倡建

永福寺在待村唐貞觀七年造一連三進明正統年改爲永福院此廟由霸利山分祀立碑記之 國朝乾隆三十年造古聖廟三一連二進有碑誌七都霸利山漢

時建永樂寺當日馬援封伏波將軍曾受封於此寺立碑以記其事

奎文閣在七都白石江口道光二十八年戊申邑庠李廷瑚及弟廷琤廷璋倡捐募資建

藤縣志卷之六

新增建置

明崇禎八年知縣梁昌公修學

十年知縣梁昌公修縣志（按志內有稱郝志金志明富禮有藤州舊志跋前之修志者甚多惜失其傳）

嘉慶二十一年丙子署知縣高攀桂實因梁公所修遺志而增補之

二十二年丁丑建東門外碼頭

二十五年庚辰秋知縣黃開雲重建學宮七月東門樓災修復之始祀東嶽神於其上

道光四年甲申夏五月增修西門城樓祀南海廣利洪聖於其上

秋七月創建試院於南門外學宮之右越年春落成

道光五年乙酉秋八月署知縣陳西書修關帝廟

十三年癸巳秋八月知縣邱登修城隍廟

二十年庚子冬十二月知縣溫鵬翀建訪蘇亭於浮金亭山麓亭之樓祀蘇文忠公是月並修縣衙署

二十二年壬寅冬十一月修李衛國公廟

二十五年乙巳秋七月署縣江應澄增修經古書院於義學內

二十八年秋九月署縣劉繼祖倡捐創修城垣又知縣周誠之繼之越咸豐元年冬知縣張鵬萬成之

咸豐四年甲寅夏四月知縣翟登峨候補府劉繼祖留藤辦理賊務增築北門外砲臺

秋八月十一夜賊攻陷城池官兵死難無數另詳賊盜死難條例嗣後連年滋擾旋復旋失民房舖戶衙署廟宇無有存者惟靈公廟獨存至咸豐十一年辛酉夏六月統領蔣益澧水師李督帶水陸大軍上勦踞潯州逆首僞王陳開踞城首逆郭

磻溪等夥黨竄上潯州秋七月復潯州廟城亦藉恢復

同治二年癸亥春二月署知縣陳延齡督同城鄉總局修葺東南破壞城垣六十餘丈加

高周城垛子墻垣添建四方炮樓九間

三年甲子夏五月署知縣景星建北河經費廠二間六年改作柴行並葺泰堂公議

每月租銀壹兩正撥入昭忠祠作永遠香火之資

四年乙丑秋七月署知縣唐鳳翔倡修義學並修復經古書院

冬十月並捐俸置義學右旁周家破屋連地建造公館

五年秋七月御事總局補修改作賓興館

五年丙寅夏四月又重建縣署頭門儀門大堂二進七月告成遂瓜及

四年冬十一月管帶副前營南勇即補都閩府翁長春奉

撫憲張 委辦善後因在東城墻砲台自捐資增建廳樓房間廚房頭門門房作爲

公館五年秋八月移師回省送交永爲義學別墅

是冬十二月 日署知縣唐鳳翔倡捐重建文廟藤州書院

五年春二月 日又重建關帝廟夏四月創建 昭忠祠

秋八月知縣邊其晉接修縣署二堂後堂東西廳房廚房門房六科房上下班房土地神祠並添建望江樓

文廟書院關帝廟昭忠祠均接修次第告成

六年丁卯春月知縣邊其晉重建捕廳衙署

冬十一月又倡修龍神廟

七年戊辰北河釐局委員州同銜補用州判彭邦泰倡捐修 蒼聖廟陪祠沮誦太

史籀程邈胡毋敬正月二十九告成



